

~~16~~
2:37

四
喜
記

10

11

12

四喜記

古本戲曲叢刊二集

古本戲曲叢刊編刊委
員會影印長樂鄭氏葦
汲古閣刊本原書版高
二十公分寬十三公分

四喜記目錄

卷上

第十齣

家門始終

第二齣

大宋畢姻

第三齣

詩禮趨庭

第四齣

瓊英入宮

第五齣

花亭佳偶

第六齣

風月青樓

第七齣

久旱祈神

四喜言
第八齣

喜逢甘雨

第九齣

竹橋渡蟻

第十齣

天佑陰功

第十一齣

鸞儔賞夏

第十二齣

椿庭慶壽

第十三齣

巧夕宮筵

第十四齣

赴試秋闈

第十五齣

月桂同攀

四喜
第十六齣

鄉薦榮歡

第十七齣

親憶瓊英

第十八齣

瓊英閨悶

第一回 天倫變幻

第二回 骨肉相殘

第三回 天倫變幻

第四回 骨肉相殘

第五回 骨肉相殘

第六回 骨肉相殘

第七回 骨肉相殘

第八回 骨肉相殘

四喜記目錄上

第九回 骨肉相殘
第十回 骨肉相殘
第十一回 骨肉相殘
第十二回 骨肉相殘
第十三回 骨肉相殘
第十四回 骨肉相殘
第十五回 骨肉相殘
第十六回 骨肉相殘
第十七回 骨肉相殘
第十八回 骨肉相殘
第十九回 骨肉相殘
第二十回 骨肉相殘

四喜記

上

第一齣

未上

西江月人世難逢四喜浮生不滿百年有花有酒
卽神仙雲鬢等閒霜變主敬固能作聖風流亦自
稱賢調宮弄羽樂吾天軒冕崢嶸何羨

漢宮春乾坤豪傑只古丘大宋無人竝列曾編竹
橋渡蟻陰功赫奕天賜三元兄和弟狀元榜迭晝
錦處救取孤僧不負當年鑑別小宋風情奇絕向

四言詩
花朝禁苑聞呼情熱何期戲詠私成宸聰遽徹蓬
山不遠奉綸音洞房姻結更青樓舊愛重懽千古
傳揚不滅

宋公編竹橋渡蟻

宋子京花燭奇緣

慧雲僧他鄉遇故

一門宋兄弟狀元

第二齣

生上

瑞鶴仙禮樂傳家遠賴庭趨有訓研精文苑韋編
已三斷苦萱闈夜永椿庭日短靈臺憂滿幸荆花
春風正暖知甚時騰翥笙簧聖治徜徉天館少小

埋頭讀禮經十年窗下未知名牛羊勿牧看茅

茁鴻鵠難移要奕精時正泰世方亨皇家羅網

選奇英男兒有志終須就肯負衣冠過一生小

生姓宋名郊字公序雍丘人也父親宋杞曾爲

九江令早年無子與俺亡過母親鍾氏禱于廬

阜夢一道士授以小戴禮曰以遺爾子遂生俺

兄弟二人後來前往許真君觀內燒香見面貌

與夢中所見廝像驚其靈異曲盡誠敬竟着俺

兄弟讀書此觀朝夕焚香以奉之今早父親着

家僮永昌喚我回來不知有何話說不免徑入

堂上問安則个 外上

夜行船 綠野堂開塵夢斷聊舂憤鶴逕盤桓釀酒

裁詩栽蘭種柳數畝白雲為伴 生 爹爹拜揖 外 孩

兒我喚你出來別無甚事今日乃是良辰吉日

方可畢姻你可整飭衣冠伺候行禮叫永昌好

生安排酒席 內應介 酒席安排完了 生 理會得

前腔 丑 九陌春回光景換雕闌外紫翠千般遠草

烟凝曲江水賦幾處早鶯啼亂既稱月老又號冰

人愛錢如命說謊通神自家高媒婆是也幾年
之前宋杞老爹浼我替大宋相公爲媒定了孫
員外小姐爲妻女貌郎才兩相正妙今日畢姻
只愁沒口兒吃的擺設許多筵席行了許多幣
帛又一件小相公生得又俊未曾說親必定也
要央媒我且放文雅些再圖下次宋老爹萬福
外媒婆免禮 丑稟上老爹新人已到門首孫親
家小事在身不得自送着我媒婆送親

金瓏璵

旦

三星光在戶鵲橋喜駕雲端

生

欣此夕

配嬋娟 行禮介 永昌將酒過來待我奉媒人一盃

錦堂月 天結良緣花凝瑞靄佳期正當冰泮歌動

迎仙聲 嫋鳳簫鸞管幸藍橋玉杵先投信月書赤

繩難換 合 鸞盃滿喜花燭良宵洞房春煥

前腔 生 欣看射雀屏寬乘龍褥軟于飛願效雙鴛

窈窕河洲不信羨鵲橋期遠伉儷處可咏桃夭警

戒時何妨机斷 合前

前腔 旦 繾綣合鬢情歡同心帶綰難禁喜溢眉端

燕爾綢繆自愧德容疎短鴛蘿附千歲喬枝琴瑟

遂百年深願

合前

前腔

丑

堪觀金蕊仙冠霞帔文鳳襖華堂翠繞珠

攢香裊金爐綉幌暗風輕卷更須誇蘭玉祥開何

必慮熊羆占緩

合前

醉翁子

生

仙伴乍邂逅交輸愛款笑算雨陽臺暗

成姻眷

旦

不玩共舉案齊眉孟耀梁鴻德兩完

合

相慶處看高燭紅粧漏傳宵半

前腔

丑

聽勸恋鳳綢豈爲美算向螢閣研究蠹篇

殘卷

外

惟願早離却樊籠奮翮層霄筵羽鵷

合前

四喜

上四

四喜言
僥僥令

生

絲紅牽玉腕
帳果撒金盤

旦

惟願小登

科後勤書史
及早大登科
作狀元

前腔

丑

儀容真婉孌
閨闈永團圓

外

但願你百歲

夫妻長好比翼共連枝
無異般

尾聲洞房此夜春光滿
熒熒燭尖花
煥總不如浪

喜閒權

洞房春色勝仙窩
花燭良宵喜氣多

衾浪不如桃浪
小登科後大登科

第三齣

小生上

菊花新學通經術性非愚九萬扶搖翮未舒更自

惜居諸春到忽索幽緒笑殺多情空馳想巫山二

六奈裴航分淺藍橋路鞠寂莫嫌聞更漏永朦

朧獨抱寒衾宿醒來時強起撥琵琶相息曲色

斑斑花滿目韻交交鶯囀竹這繁華媚景越添

情欲姓字有時標虎榜洞房今夜燃花燭料佳

人端的在書中顏如玉自家姓宋名祁字子京

父親宋杞大哥宋郊中才之養有年科第之登

無日正是未酬板桂志早動惜花心如今春光

明媚想百花亭中紅紫十分可愛欲約朋友張
子野同去一遊未知他意下若何呀道猶未了
子野早到

前腔

淨

幾年踪跡嘆江湖瀟洒風流人怎如花錦

爛春衢惹動心猿不住

小生

先生拜揖

淨

尊兄拜

揖

小生

子野兄柳風扇煥花日弄晴不覺青春

搖動欲與老兄郊亭之樂未如尊意如何淨甚

好甚好聞得今日令兄請老先生講課程且待

講畢我與你再商量小生果然父親同家兄來

了外久爲解組人暫課讀書史小生戲彩樂晨

昏庭趨問詩禮相見介外多謝子野勸勉小兒

淨深蒙老先生指教二位賢契提携感之不盡

外孩兒白日漸飛青春拋擲不加苦功怎慰老

懷過來聽我道

剔銀燈喜兒曹聰明天賦莫把青春虛度潛心靜

閉孫生戶更須學懸梁刺股合詩書端不負儒讀

得到方成丈夫

前腔生守芸窗勞形典故嘆難畱飛鳥馳兔惜陰

肯縱窺園步向三餘加辛添苦

合前

前腔

小生

道多岐先由心悟耻空言力行當務靈

臺莫使纖塵汚希賢聖光昭千古

合前

前腔

淨

論功名雖由成數早難道身終韋布一朝

直上青雲路錦衣還眉揚氣吐

合前

宋兄還同老

先生且開懷再坐片時不知意下何如

浪淘沙

末

飛錫起金池潦倒沙彌六通五蘊見無

迷身是菩提心不染道習希夷自家慧雲和尚是

也妙悟神机兼通相法聞得許真君觀裡十分

清淨意欲借住一兩个月不免徑入則个衆長

老何來末列位先生稽首貧僧自西竺雲邊到

此欲借觀中暫歇衆看書之所恐長老不便末

如此告退衆請了末方纔右邊站的是一個大

貴人若不說破怎顯得我的手段衆長老如何

又轉來末貧僧頗知風鑑適見諸公俱有貴相

故此奉報一言淨你既會相先相我一相末好

相好相文章得第朝野聞名淨指外介此位老

先生如何末見羣龍而身宜受爵臥蚕起而子

必登朝外好相好相這二位何如你與他細講

一講末相小生介

玉芙蓉先生三停既等齊五岳相朝起學堂明承
漿日角真希龍睛膽鼻垂珠耳口若啣丹新月眉
詳鑒察神奇骨奇實言告決今科虎榜占高魁淨

講得妙講得妙末相生介

前腔天庭忒恁低地閣那曾偉準頭偏蘭臺廷尉
俱虧印堂不滿山根陷耳反無輪口似吹詳鑒察
頭奇面奇恐今生虎榜姓難題淨胡說胡說天下

豈有如此文學而不登科者請出去請出去未

今朝從汝怒他日信吾言下外孩兒相雖如此

但相書亦有骨法旋生形容忽變之說不可拘

于一定失修人事生謹尊教言不敢違命

相法從來不可信重瞳項羽重瞳舜

書生若要掇高科只消功夫窗下盡

第四齣丑上

如夢令睡起幽閨寒悄送到流鶯聲巧閒倚画

闌干忽見海棠開了春曉春曉點點春愁不少

自家乃是鄭參政家侍兒絲鬟是也俺老爹與
夫人雖則十分和順不曾有子止生小姐喚名
瓊英儀容美艷真个美容如面柳如眉体度幽
閒果然秋水爲神玉爲骨分明天上神仙壓盡
人間窈窕今日夫人着我携酒到後花園賞玩
酒已完脩不免先去等候則个

唐多令

末淨

花柳愛初濃相携人綺叢

占

小鶯雙

轉綠楊風喚醒幽窗獨夢

合

當媚景樂無窮

淨

春

花如綉春鳥如簧不飲春酒辜負春光且喜一

家無事同到後花園中賞玩片時却不是好末
我意正欲如此可將酒過來

画眉籠錦堂春染萬林紅春鳥嚶嚶隔花弄看遊
絲千縷裊裊春空金勒馬春陌交馳玉樓人春盃
頻送合春光湧但花下高歌賞春懽哄

錦堂觀画序淨晝永春日融融春風冉冉春香遍

滿房櫳望裏春山一點髻螺青擁濯錦愛水暝春
塘拾翠喜芳鋪春隴合大家莫惜春筵醉世事短

如春夢

黃鶯穿皂袍

占

春困釧金鬆試春衣步檻東春愁

暗壓雙眉重春牽意慵春薰臉濃春枝髻觸搖金

鳳

合

娟娟戲蝶春蘭幾叢茫茫歸雁春雲幾重桃

花爛熳迷春洞

皂袍罩黃鶯

丑

謾道春憂無被春工醞釀生滿胸

中傷春倦吐綉窗絨尋春轉覺芳心動

合

對春風

春園暢飲和氣盎春容

外

稟老爹與夫人知道新

皇帝卽位詔取民間女子十五歲以上者入宮

為妃里老將小姐報在本縣縣官催督赴京今

日就要起程如何是好末我老年無子止有此

女指望靠養終身誰知遭此大變却不苦殺我

也淨天那我這一塊肉進宮去了此生怎能勾

再見他如何捨得却不痛殺我也占爹爹母親

撫養孩兒一十六歲昊天恩德未能報答况又

兩上無兄下無弟老年誰倚孩兒寧死不忍去也

外說那裡話朝廷詔旨誰敢故違請小姐就此

起程

尾犯序

占

聞詔入深宮不覺魂驚怎當心恐粗醜

形骸枉教奉事飛龍傷痛最苦是椿庭影隻最苦
是萱闈命窮生離別肝腸刺斷血淚洒珠紅

前腔

未

誰知天降這災凶萬計難成千謀難用我

兩口孤單况衰年近終烝烝誰與我承懽曉算誰
與我溫存夏冬思量起衣襟淚滿哭响遶蒼穹

前腔

淨

痛刀割衰衷欲見汝身除是宵夢萬里天

門那更音信難通悲痛再不見燈前喚語再不見
花邊笑哄傷情處區區隻女一旦兩西東

前腔

丑

天然飛燕容早離塵閨竟入仙洞我數載

蒙恩恨分別匆匆珍重定知你龍幃賜寢定知你
椒房得寵登程去情難回首分付與東風

外宮夫

轎馬在外伺候多時了請小姐即便登程

鷓鴣天

合

骨肉團圞樂正濃一封丹詔實相從恩

承淑女榮非願愛割雙親恨怎窮

占下末淨丑

何

日裏再相逢淚痕遍染杜鵑紅
歸家枉自高聲那得聞到九重

並下

第五齣

小旦上

粉蝶兒
綉閣晴春林啼動人幽鳥見遊車正滿東

郊趁芳辰偕女伴緩尋芳草看無邊光景真如瑤

島奴家董氏喚名青霞籍係教坊住居熙寧巷如

今春色暄妍遊人如蟻欲偕鶴仙姐姐同往郊

外踏青未知他意下若何姐姐有請旦妬容嫌

艷蕊喚夢惱流鶯妹子你請我出來做甚旦小花

柳爭春芳心忽動意欲踏青一回望姐姐攜帶

則个旦正合我意就請同行旦小春鴻快脩酒尊

食壘隨我郊外去內應介來了來了

駐雲飛旦堪賞花朝花滿園林春色饒人惜花容

耀花愛人年少嗙花出画牆高賣花聲叫聊整花
鈿拾翠花間道香逐花衫幾陣飄香逐花衫幾陣
飄丑綺羅叢裏奔趨面無媿色花月場中應接身
有餘香酒尊食壘在此請二位姐姐以草爲茵

坐飲幾盃小旦將酒過來

前腔燕語花梢花底黃鸝聲更嬌蜂引花顏笑蝶
蹴花心倒嗙花覆苑東橋花溪晴照紫幔花亭人
擁花驄到風煖花村酒旆招風煖花村酒旆招丑

前面賣酒家遊人濟濟不要去且到百花亭中

四喜言
歌舞一回再飲幾盃却不是好 二旦 說得是

前腔花萼輕搖一曲花歌百悶消花簇銀臺巧花
映金樽好啖花下舞纖腰花香縹緲花徑塵芳淺
印花鞋小斜插花枝鬢欲燒斜插花枝鬢欲燒 丑

二位姐姐請坐待春鴻也遞一盃

前腔花檻紅雕花倚嬋娟画怎描花外遊絲嫋花
際輕烟繞啖花事正妖嬈看花須早轉眼花殘花
貌隨春老鎮日尋花莫憚勞鎮日尋花莫憚勞呀
你看前面有二位秀才來了都像光棍兒若還

撞着他一定做出事來不如回去了罷 並下

忒忒令

淨

遲日照江山錦膩花柳壓歌臺舞地芳

草踏寶馬並嘶金勒轉香堤遙望見杏花村青青
酒旗自家張子野是也風月襟懷江湖踪跡得蒙
宋子京兄弟十分青目昨日子京約我到百花
亭中賞玩不免先去候他則个

園林好

小生

看殘紅流出小溪聽柳外笙歌鼎沸

攘攘蜂遊蝶戲

旦丑

細數落花因坐久緩尋芳草

得歸遲

丑

姐姐回去罷了 小生

紅紫樹映羅衣俊

多嬌何處姬俊多嬌何處姬昨日相約子野遊春

迤邐行來不見子野見此甚妙淨子京來何莫

也小生料昨日老兄之約不爽今日之興必高

撞見二旦介

前腔紛雜地豈免忸怩

丑

你既然害羞怎不迴避

旦

窄徑裏相逢怎避只索將小扇輕羅遮蔽

淨

顧

盼處自猜疑却元來是錦花叢雙艷娣錦花叢雙

艷娣

子京你道是誰

小生

是誰

淨

這是熙寧巷妓

者董鶴仙董青霞

小生

老兄如何認得

淨

我與

鶴仙薄交青霞就是鶴仙的妹子小生既如此

近前相見且呀張相公因何久不下顧淨我被

大宋拘管看書故此少拜占張姐夫不敢動問

此位相公上姓淨此位姓宋字子京便是占久

聞久聞小生老兄令翠固佳青霞更覺可愛淨

愛他則甚

皂羅袍小生堪愛月眉雲髻儘婷婷嫋嫋整整齊

齊溫香軟玉世應稀柔枝嫩葉誰能比淨你還不

知他能歌能舞我曾見他纖腰柳舞翠裙影低嬌

喉鶯轉陽春調低謾誇西子多嬌麗

末

酒后看花

情不厭花前酌酒興無涯小相公着我整脩壺

觴到百花亭上此間正是稟相公酒殺已完脩

在此小生來得恰好老兄我欲屈畱令翠同樂

片時何如淨使得使得占轉身介我心下十分

愛他他既相畱怎不應允對介多感相公厚意

只恐雀隨鳳喙多謝多謝小生世上有這般女

子真天香國色也但可惜落在烟花無計與之

配耳淨作配不可暫配不難今夜包你與青霞

歡會一宵小生如此可喜

江兒水

小生

邂逅花前飲忙成月下期傳盃未了

先畱意

淨

子京你懽喜極矣

小生

郊玩淑景歡已

十分途遇佳人喜當百倍歡喜冤家添懽喜

淨好

似魚得了水一般

小生

如魚得水猶難擬

淨

燕爾

新婚如兄如弟

小生

謾說如兄如弟正是有緣千

里能相會夙世緣深相會那拘千里

旦

妹子我問

你宋相公有何奇美一見畱情

皂羅袍

占

最喜劉郎風味况身呈文彩口吐珠璣

登雲會上廣寒梯攀龍定陟承明陛輝輝靈鳳儀
容闔竒煌煌雲錦文章耀竒除非是題橋司馬才
堪儷 小生醉介丑 相公可放尊重些

川撥棹

小生

俏一似薛瓊英輕艷体不由人羨風

情一霎起

淨

又何須待月西廂又何須待月西廂

玉樹交鸞一任栖

小生

花柳之地君子不遊

淨那

有此說人生適意花為最萬物怡情酒是魁醉青

樓日巴西好良宵樂正宜你兩人今夜呵

蓋未

嘉慶子

一刻千金應不抵鳳幃中恩重情迷

小生

覷着他千般旖旎撇却韋編甘不理莫說我宋子
京便是鉄樣人心神必移石樣人心魂暗飛
尾聲烟花幸托青雲器願作百年深計只恐飛騰
嘆別離

烟花莫例看
棘逕有芳草
不畏人見譏
只恐天易曉

第六齣

小生上

出隊子風情萬種一宿鴛幃愛已濃
占蒹葭倚玉
喜濃濃從此青樓價不同
合惟願雙心有始有終

小生 青霞你知道我鍾情于你麼決然要與你

為配 占 相公間世奇才奴家污泥賤質安敢望

此 小生 不必過謙我若負心有如此日 占 多蒙

相公不棄情願倚以終身若再他權有如此日

丑 姐姐你嫁得宋相公成希帶春鴻做个丫鬟

早晚沾些風月 笑介占 休得胡說將酒過來

排歌 小生 麗曲瑤箏春織玉鍾媽然一朵芙蓉紫

綃蕩漾錦花叢一種天香度暗風眉分翠臉暈紅

笑深微汗溼酥胸輕盈態窈窕容恍疑仙子下瑤

空

占 我想夜來呵

前腔 鳳臂輕翻雲鬟半鬆紗厨月色朦朧有緣千里喜相逢春滿陽臺一夢中歡初合話未終惱情偏是五更鐘交恩厚設誓重天長地久此心同

淨

酒不醉人人自醉色不迷人自迷宋子京貪

恋青霞頓忘學業早間請我花前同酌此間已

是門首不免進去則个

見介淨

子京賀喜

小生

休得取笑

淨

不是取笑古人遇絕色則喜我看

你表子青霞

前腔柳暗雕闌花明綺櫳嬋娟共闢纖濃玉堦低
露鳳鞋弓妙舞霓裳小院東環鈎玉帶綰絨時乎
歌扇撲遊蜂心非蕩性更聰秋波回處惹情濃

生

老兄說之不差青霞之美真个不亞西施

淨

可比那一个古人

前腔賈女香芬崔娘韵工王嬙獨抱奇衷綠珠金
谷夜溶溶洛浦神妃露淺踪脂輕抹粉薄籠梅粧
不減壽陽宮波沉鯉漢落鴻當壚空羨卓臨邛

末

快心時忙下手得意處早回頭俺小相公昨日

到熙寧巷去不見回來大相公已知道了心下
不喜不免將大相公的言語勸他回去讀書省
得後患此間已是他家門首不免徑入則个小
生永昌你來做甚麼末大相公請你回去小生

大相公怎麼說末大相公說道公恐暮則再未

洞仙歌乘春好用功學飽身定榮繼畧及焚膏莫
教一刻慵合休把欲心縱須將黃卷攻流連花錦
叢識者必不重小生永昌回去我與張相公就來

了末謹奉主言速離妓館下占相公當真去了

前腔相離不可從言苦鬱在胸從此泣空閨甚日

為悅已容合前旦上相逢忽相別歡處又成悲二

位相公何不再要一兩日去

前腔人生若夢中逝景駒隙同少壯不舒懷等閒

成皓翁合前小生就此告別詰相公須尋便再來

走遭休忘盟誓小生不須多囑

鴛情繾綣恨相離
淚洒東風溼舞衣

自恨劉郎仙分薄
武陵深處不須歸

貼旦吊場
姐姐妹子有句話兒要對你說旦但

說不妨占相公再三設盟定要娶我爲妻且你

好痴呵

桂枝香占鴛盟空訂鸞期難定妹子你休怪我說生

成陌路姻緣養就烟花心性况青樓望早况青樓

望早良家難聘占

宋相公說娶我

且

好不知事酒

中之言一時戲謔之語怎麼認真謔辭休聽細

評論不如風月生涯好只怕從良福分輕

前腔占

占

佳緣堪慶多才可敬生來一種真誠事有

十分僥倖記慇勤誓言記慇勤誓言教我脫迤陷

四喜言
穿超離邪境喜難勝定歸金屋偕婚媾不向平康
管送迎

大迂鼓

旦

伊家見不明金籠怎養野鷺山鶯空房

猿鎖心猶競裊中景復亂宣平縱不如此也只做
得个玉簫要嫁韋臯直等再生

前腔

占

何須抵死爭錦營花陣斷不畱情雲蹤早

散陽臺境喬妝甘謝效釵荆那宋相公決然娶我
休論王魁不娶桂英

且了烟花債

慵登歌舞樓

偶多真可樂
心異不相謀

第七齣

外上

鳳皇閣千尋海殿熟睡蛟龍難喚積薪剪爪踵前
賢爭奈甕兒頻見白檀焚獻怪舉首青天湛然下

官乃雍丘令是也天旱日久百姓憂愁欲率槩

縣里老前去城隍廟祈雨昨日已出告示這時

父老不見到

淨

父老見

外

父老聽我道多時不

雨皆我不職之過詩云旱旣太甚如炎如焚今
日乃遭此毒聞得城隍廟與許真君觀裡十分

靈應你們在此祈禱倘得甘霖大降庶使秋成
有望衆意何如衆小的意下正欲如此父母老
爺爲國爲民敢不順命此間是城隍廟那壁廂
是許真君廟

駐馬聽

外

陽夏驕恣四野佳禾若火燃岩除瀑布

陌起黃埃澗絕流泉湖心魚鱉總枯連民生狼顧

歌雲漢

合

拜告神天願早施霖雨使我三農懽懽

前腔

衆

亢旱經年雩祭桑林意總虔純犧濯濯文

璧煌煌屢舞仙仙槐蓋蓬麩命難延霓壇玄寺祈

應遍

合前衆贊曰

衛文零雨于星車裴寬消旱于

入境老爺這樣虔誠上蒼必然感應

外父老每

且回明日還用祈禳之術再向禱告務要虔誠

不許怠慢

衆

領鈞旨

烈焰當天怨祝融自誇幾回翹首望雲從

臣民徒有桑林禱萬物焦枯四野空

第八齣

末上

率地錦襠苦逢炎日禍嘉苗有滄坐祥德所招黎
元此際笑聲高喜雨亭中醉玉醪下官雍丘二尹

是也昨日堂尊祈雨十分虔誠感應今得一番霖雨百姓每喜不自勝下官忝為同僚逢此勝事不免整脩酒禮前去慶賀則个

外上

前腔為民祈雨怎辭勞幸得甘霖沛九霄不須術用土龍妖竟夕滂沱喜自饒

末

堂尊祈雨有感賀

喜賀喜

外

天降時雨乃聖主之德亦生民之福

也長官之賀決不敢當

末

說那裏話久旱逢甘

雨此是人間第一喜事為此脩酌望堂尊少坐

片時

外

既蒙厚意敢不趨命

生上

芹水生涯淡

養宮道味長不才難盡職時雨降禎祥雍丘儒

學教官是也中堂祈雨有感同僚置酒稱賀特

請下官陪宴不免竟入則个

外有勞光降生夜

雨來一雨泮沼汪波禮當拜賀

外天雨適然慚愧

慚愧

未將酒過來

山花子 香車聲破江門曉雲端一瀉天瓢沛人間

盆傾下浚八荒洗盡燄敲合望長空燭龍燄消長

驅旱魃師碧濤黎元踴躍歌歲饒不負桑林拜禱

勤勞

前腔

外

田禾頓覺回枯槁綠痕漸滿南郊喜三農

功閑桔槔絕勝汪玉瓊瑤

合前

大人再勸一盃喜

酒今日開懷一樂

生

前腔蛟龍勢豪一躍天池表涼生閭闔輕颺羨蘇

亭佳杳你須知傅相才高

合前

前腔

淨丑

芙蓉翠嬌細浪翻魚沼仙娃欲泛蘭橈

最堪誇吞赤坳還符萍實童謠

合前

紅綉鞋

衆

碧波湧出仙橋仙橋滄江蕩漾魚舸魚

舸溪沒渡海添潮鷗競浴鯉爭拋人藹藹樂陶陶

尾聲玄冥已報豐年兆對酒且開懷抱醉聽前村

喜雨謠

久旱逢甘雨人心喜不勝

絃歌喧萬戶偃室有休聲

第九齣

生上

久旱逢甘雨歡聲四野同深期歌盛事擲管句
難工宋郊忝克雍丘縣庠生俺縣主至誠格感
祈雨有功通學生員皆去躬賀俺欲撰喜雨詩
一章以頌之奈無佳息不免到碧玉臺上散步

以啓吟興多少是好

鎖南枝

一雨霽萬象奇山青水明如画裏拋卷覓

新詩窺園適幽意苔紫短屐緩移碧霞臺少人至

臺上人跡杳然轉敗吾興不如那亭西竹邊儘

有幽趣

前腔 蕞竹畔曲檻西呀一陣陣水上浮來的是甚

麼東西

看介

咳原來是螻蟻驚看溜渠浮亂蟻

笑穴已無依隨流竟何止心不忍計怎施手援之
豈能濟這許多螻蟻落在水中如何得活可傷可

傷測隱之心仁之端也其事雖微性命則一不
免將那壁廂枯竹數根着永昌破開編成小橋
渡過他去庶得全生永昌那裏末命犯奴星照
身憑主令行相公有何分付生永昌你看這數
十萬螻蟻爲水所漂你可將枯竹破開造橋渡
他亦是你的陰騭

前腔編竹第架水涯

末

相公這許多螻蟻都渡過

去了

生

可喜可喜慈渡一成爭渡起

末

大丈夫當

濟天下溺救了這些螻蟻非是兒戲的觸物動天

機從權豈兒戲

未

相公他一向安身在那裏如今

還到得舊處去麼

生

南柯郡舊事非覓檀羅亦無

地

未

相公天地間蟲兒千千萬萬遭陷害者不知

多少都要這般救他沒有許多氣力

生

你不曉

得聽我道來

前腔蟲非少蟻最多君臣凜然明大禮遭溺已頻
危全生實堪喜大塊內道不私物皆春此心慰

活蟻功雖細

真能種福田

世間陰隲事

救命最爲先

第十齣 外上

點絳脣 羽蓋遙飛 琅函淨啟 輦霞裏香籠玉几 侍
衛玄虛壘 小道許真君是也 自幸一門之積德 盡

超八極 以登天常 跨鶴而乘虬 暫化牛而斬蜃
玉帝有旨 今日糾察人間善惡 不免着判官小
鬼查考的實奏 請報應判官小鬼何在 判官上

外聽吾分付 今日玉帝有旨 糾察人間善惡 可
會雍丘縣城隍 并各土地灶神 將邑內善惡一

一核實 奏報請旨 鬼上 正是人間私語 天聞若

雷稟上聖何爲善何爲不善外但見盡忠報國

孝親敬兄放生救命皆是善人但有貪賍壞法

官吏忤逆兒男害人利己好殺傷生皆是惡人

鬼有等職官貪賍誣陷賢能者當得何報外此

輩合赴湯池令毒蛇吞噬以罰其身眼前之報

男盜女娼滅門絕戶日後之報鬼有等殺猪宰

牛大秤小斗欺瞞害人者當以何報外此輩合

赴刀山劍樹托生駒狗之類以顯冥司地府神

聖昭彰衆念九天應元雷聲普化天尊鬼吾乃

不是別神雍丘縣日巡鬼使是也奉城隍靈牌

在此伺候遠遠望見聖駕前來不免且自退後

點絳唇

城隍上

位冠千祗符分百里尊天紀陰靈無

比應感皆真理

相見介

萬聖森羅八鸞遙唱想是

玉帝降臨不免向前迎接則个

玉帝上

神仗兒

祥雲旖旎祥雲旖旎衆真朝禮稟上聖小

臣迎接來遲望乞恕罪

玉

起去遍三千界裡較察

中生臧否吉士加禎惡人降毀

城隍

遵勅命敢輕

違臣等有事奏上

滴溜子 宋郊的宋郊的竹橋渡蟻人世上人世上

慈祥怎比如此陰功有幾神霄乞鑒知特令受祉

玉 宋郊有此陰功合當榮顯連中三元顯榮數紀

神仗兒

隍

微臣奏啓微臣奏啓先承玄祉道宋郊

當餓死不許食甘服綺因此生成骨相甚鄙今注

福怎生移

玉

宋郊命分該貧寒既有陰功今夜三

更時分製取真魂將他的形骸骨格盡皆換了

以享福壽康寧則个

外

滴溜子 臣欽奉臣欽奉玄元勅委顯神通顯神通

回形變體頃刻天庭高起兼令衆相齊福基盡美

隍

臣奏上聖今科狀元該是宋祁如何是宋郊

又中狀元

玉

宋祁正數該中狀元待他先上榜

了后待陰隲星換榜宋郊升作狀元以報陰隲

隍

謹尊上命迭中狀元兄弟竝喜

上帝從來鑒察

世人切莫心欺

善惡到頭定報

只爭來早來遲

第十一齣

生上

絳都春池荷展葉聽高枝午蟬奏風聲咽石竹花

香白玉欄干絲樹遮新篁漸長琅玕節更樓畔海
榴醉纈數聲漁笛木蘭船上採蓮歌接人皆惜春

艷我愛夏日長倚風引壺酌勝對桃李芳宋郊
連日遍身疼痛不知何故况容貌比前不同未
知是禍是福正順理行將去從天降付來俺父
親往玄真觀裡燒香去了兄弟在外讀書未回
止我夫妻二人并一家老小在舍當此炎景不
免備酒池亭玩賞則个紅香翠艷何在

紅翠上

紅香香莫比翠艷艷無雙艷舞花前軟香偷月

下忙相公叫我二人到池亭上有何分付

旦 今

目清閒欲與大娘在此玩賞可整酒肴聽候歌

舞就請大娘出來

紅翠 理會得

出隊子

旦

朱明時節覽物令人心意說薰風翻動

翠裙褶嬌面斜遮紈扇潔

紅翠

扯落庭花嫩紅一

捻

生

娘子晝長無事共賞荷亭却不是好

旦

敢不

從命

生

將酒過來

女冠子 堦除簇簇錦葵列亂採遊蜂闖飛輕蝶蕉

樹抽長鬣微朶綻紅頰看前湖兩閒鷗隨画楫翠

巍巍柳陰中老黃鶯弄舌

滴金子

旦情偕鳳侶相和切看取同心新帶結相

攜共賞歡意奢謾收了針線帖

生白雲精舍裡景

致還好同去那邊一賞則个旦細鈿穩貼步忙移

忽驚環珮跌薜蘿徑斜短蔓揜衣似拽

紅翠此間

就是白雲精舍

画眉序

生幽尋到精舍雲母屏間冰簟設愛如年

長日笑霏玉屑引狂興酒筭頻斟消喝吻一盃交

啜更誇那画堂中滿品題筆走龍蛇

紅翠

難得大

娘出來這幾處亭閣請都過一過生甚好

啄木兒 歷風亭臨水榭向冰山盡觀遍閱既然有
琴在此試彈一曲到好細撫瑤琴將心事寫難得
个兩情恰比翼鶉鶉不爭些連理芳枝相似者到
底團圓不差別願地久天長懽永協

三段子

旦

嵐橫靄疊

天色已晚回去了罷

生

具猶

未盡向斜陽歸未決

旦

歌殘舞怯

紅翠

收拾回去

則个對芳辰情怎捨移到小樓上對月再酌湘簾
半揭柳梢新上一鈎月旦見流鶯亂飛郊野一點

四喜言
雙明星亮晰

闖雙雞

紅翠

水沉香水沉香金猊添麝玉簫聲玉

簫聲彩鸞吹徹薄袂露珠沾惹翹首看玉繩低越

悄不覺金井上轆轤聲滅

旦

夜闌人靜回去了罷

生

再飲幾盃

上小樓

旦

差迭青春易謝案頭書難暫撇韋編宣

聖也曾絕自古三餘當足直恁放意遊野

鮑老催

生

文章萬卷俱玩涉莫辜負好良夜望銀

漢廣寒闕桂枝高料應折情深佞儷歡未歇莫管

更籌徹合 息之歎嗟百年身如電掣涼冷變炎熱

去熱又寒冽光陰迅休計拙一旦鬢堆雪懊恨對誰

說

尾聲得高歌處歌休歌喜盃中玉漿不竭娘子這

等懽樂呵拚取今朝沉醉也

夫婦情和合 開尊夏賞荷

人生貴行樂 對酒且高歌

第十二齣 生上

齊天樂 碧山院落紅塵迥萬竹琅玕翠吟滿院荷

香壓葵影信是人間佳景 小生 極星耿耿共酌酒

娛親戲彩趨庭 合 默禱蒼穹願年年此日慶長生

生 兄弟今日是爹爹壽誕酒已完備請爹爹上

堂稱慶也是人子至情 小生 正是待嫂嫂出來

一齊拜祝

花心動

旦

瑞應誕辰出粧臺早喜壽筵開整香護

鮫鮪翠點花鈿堂前敬捧霞觥

紅翠上

玉喉嘹唳

冰肌靚歌舞處不減雙成 合 這歡樂萬兩黃金難

並 紅翠 稟相公酒肴絃管都齊備了 生 爹爹有請

寶鼎兒

外幾年雲臥不覺鏡裏霜痕滿頂期鶴算

謾吞石髓保童顏何煩丹鼎最喜森森雙桂雲路

翱翔可等

合看綺席羅衣恍疑身在瑤池仙境

生

爹爹壽登八旬誕當三伏孩兒脩下一盃酒與

爹爹慶壽則个外如此將酒過來

画眉序槐夏壽筵清激灑金尊紫霞冷看星輝南

極地接蓬瀛輕風送十里荷香舞鶴亂半簾松影

合滿門齊赴蟠桃宴人人共祝長生

前腔

旦纖手細調冰棗列安期玉漿冷看麟脂案

疊鳳髓盤盈謾誇他九轉丹成爭看恁雙飛鳥影

合前

前腔

生

絃管奏新聲金縷輕歌玉喉冷看衣翻雲

翠篆裊烟青波深處蓮結龜巢書傳後竹留鸞影

合前

前腔

外

金軸映花明絳炬高燃画屏冷看碧筒浮

蟻蒼塵揮蠅喜庭前桂樹芳陰愛樓畔棣華繁影

合前

鮑老催

紅翠

捧觴再慶懸弧喜當三伏景翩翩朱

履來門徑聽短簫吹細管咽清笳競爭誇壽域多
齊勝小堂碧映湖千頃更化列青松嶺

雙聲子

合唱

盃須罄盃須罄論富貴皆前定
懽懽須競論壽考皆前定全福盛全福盛祝非佞
祝非佞看雙雙鳳翥繼沾恩命

尾聲魯陽戈何須整百歲椿枝長秀挺
須信丹臺

舊有名

外

外面甚麼喧嚷想賀客來也女眷且迴

避

旦紅翠

含懽陳俎豆奉命入房闈

並下生

外面

的客是張子野慧雲長老

外

好客好客待我出

去迎迓先生請了

掛真兒

淨末

山斗聲華爭引領

外

請裏面相見則

个淨末

蒙不鄙倒屣懽迎

外

幸遇佳賓孩兒重開

壽席

合

拚取今朝酪酏

淨末

聞知老先生華誕我

二人特來拜賀

外

多謝多謝

末

好竒怪好竒怪

這幾日不見公子如何形容都變了

淨

果然比

前不同還是變得好變得不好

末

舊時見他骨

相欠佳難許登第如今天庭高啓骨格頓異今

科必定中大魁

生

這是胡說了我得榜上有名

也罷了

末

細看來有陰隲紋上面必然幹些陰

德事情在那裏

生

沒有什麼救人活命之事

末

几天地之間何必人命爲大蠕動之物皆是

生

我記得了數日之前曾到那碧玉臺西竹邊散

步見有數萬螻蟻爲暴雨所侵吾乃戲編竹橋

以渡之

末

是了是了有此陰德故有此相

末

又

看令弟尊相今科也必登大魁

生

一發胡說了

一科那有兩個狀元況又在一門

末

吾所言之

事決無差謬

淨

記着後日不應將礫石播你光

頭外將酒過來生有累你今來賀我老爹壽你

相他還有多少壽外先奉了酒然後看相

賞宮花欣逢壽朋感殷懃祝壽情壽鹿啣花至壽

鶴向人鳴合喜逢壽域樂昇平滿斟壽酒祝遐齡

未老先生壽數極高希夷之數一百有零淨你

怎見得

前腔未詳觀壽徵炯雙瞳壽眼清壽額多浮垢兩

耳壽毫生合前

前腔淨淡淡壽星壽筵前分外明人世難逢壽五

福壽先稱

合前

前腔

生

重斟壽觥紫金盤壽菓盈壽燭畱長耀滿

眼壽香騰

合前

五柳堂前啟壽筵

白頭嚴父散神仙

天中特厚閑中客

八十春秋福壽綿

第十三齣

丑上

星渡銀河月到臺輕風暗送好香來龍具此夜
應遊樂慢把宮門次第開自家乃是朝中一个
小内臣是也俺奉大宋皇帝聖旨守把昭陽宮

四喜言
宮中鄭娘娘乃是鄭參政之女數月前選入宮
中仙姿玉色世上無雙聖主幼冲未經巡幸雖
長門之怨不買賦于相如而團扇之嗟更多情
于班婕今日乃七夕良夜相約劉娘娘乞巧五
鳳樓前預備巧筵伺候兩位娘娘賞玩則个

秋蕊香

占

堪愛今宵佳景雲斷絳河耿耿

旦

七襄

聲歇隴重整綺席偏妳忻併鄭娘娘萬福

占

劉娘

娘少禮

旦

金盤瓜果御樓前乞巧無心笑貌妍

占

組織廻文成片錦何曾得近帝王前

旦

時當

七夕鵲渡銀河天上人間良宵第一占久虛望

幸之恩聊爲七巧之會內侍每將酒過來丑娘

娘酒斟在此占

針線箱剪西風墜梧金井見碧天月痕分鏡跨銀
河烏鵲橋填整信織女牛郎懽慶幾多少乞巧高
樓上把七孔針穿線色分明合真佳景滿庭瓜果

儘今宵痛飲銀瓶

前腔旦銀燭照画屏秋冷羅扇撲流螢不定愛夜

光如水天街淨金合內蛛絲誰勝不須向百子池

邊去怎得細說長生殿裏情 合前

解三醒

占

晚粧殘蘭湯浴暝麝烟濃翠籠寶出關

杆露濕人猶凭愁絕處嫩涼生且黃流鳳竿消良

夜管甚麼絳幘雞人報斷更 合 祈恩幸縱一年一

度願比雙星

前腔

旦

芳沼中藕殘香剩玉砌畔鳴蛩相應室中

記得神光映如今呵空腸斷紫鸞笙浪傳王母青

禽至欲借緱山白鶴乘 合前

尾聲笑天孫存凡性人生凡界怎忘情爭奈鸞凰

幾萬程

靈匹渡銀河
人間醉綺羅

紗厨閑鳳枕
如此良夜何

第十四齣

小生上

薄倖涼透筠亭香殘蓮沼怕入秋多恨秋偏到早

有誰知我柔腸斷了秦樓杳怎能殼鸞親鳳綰幾

度向蒼天暗禱自家爲愛青霞之極百計求權纒

金得一宵相聚別時春莫今又秋矣前日見子野

說他要嫁我不想搗兒怕他做出事來移到別

四喜言
處去了踪跡茫茫何時得會好悶殺人也

金衣公子獨坐悶無聊淚紛紛溼素袍冤家鎮日
縈懷抱人如薛濤情如玉簫真誠怎比閒花草

合

好心焦朱絃已斷無計續鵲膠

前腔雲散楚峰高望陽臺萬里遙臨風不覺心如
搗綢繆幾宵追隨幾朝情深豈料分離早

合前

琥珀猫兒墜星前月下罰願幾多遭一旦風波沒
下梢從今空有夢來邀

合

相拋縱地老天荒此恨

難消我想青霞此去老搗兒决不放他從良了這

也是烟花業債不曾了得

前腔宿冤前業今世料難逃準擬來生結鳳交想

應曾把斷香燒

合前淨

槐花黃舉子忙宋老先生

着我與大宋小宋前去應鄉舉如今試期已逼

昨日已辭過老先生約定早間起程大宋與我

先到十里長亭小宋不知何事未來想在書館

中收拾不免轉去催促則个

小生

子野請坐

淨

子京你怎麼如痴如醉做出這個嘴臉想是青

霞事又發作了如今去進場若中得時任他寫

四喜言
姿鳳質自來求配這樣烟花下賤一連取他十
七八个也不爲難想他做甚我劝你休帶怜香
惜玉心頓忘步月登雲志小子野兄你不知我
心上事

解三醒再不見高髻新妝宮樣巧再不見芍藥庭
前笑語嬌再不見六么細舞紅翻雙袖巧再不見
玉笋銀箏倚醉調再不見笑奪香囊流汗滿再不
見半揭流酥歌扇搖合傷懷抱恨蒼天何苦斷我
寫交淨須幹大事莫戀閑情况令兄等久作速起

程前去小子野兄我還有一句話兒與你說

前腔我爲他罷寢紗厨愁到曉我爲他懶赴華筵
飲玉醪我爲他焚香暗禱幾被傍人笑我爲他兩
鬢添絲瘦沈腰我爲他雙鴛画上詩難就我爲他
連理枝頭魂暗消

合前淨

快去快去天色已晚前

途好尋投宿

香柳娘

生小

走西風疋馬走西風疋馬夕陽西下寒

鴉古木飛歸絕且停鞭問也且停鞭問也烟暝酒
旗斜行踪何處歇

合

宿荒村旅舍宿荒村旅舍四

壁蛩鳴寒燈半滅

小生

前腔聽敲窗敗葉聽敲窗敗葉離心如割夢魂驚

動簷前鉄

淨

我壯懷激烈我壯懷激烈直上廣寒

闕高將桂枝折

合

漸更籌數徹漸更籌數徹起點

行裝忙隨去轍

莫厭途中味

成名在此科

棘闈麀戰罷

同聽鹿鳴歌

第十五齣

五上

水底魚筆戰秋闈文章官樣竒朱衣頭點姓名虎

榜題自家姓李名淑開封府儒學生員今科幸得
文章十分稱意解元穩穩是我了昨日聞得雍
丘二宋文章甚佳恐被他奪了我的解元且到
他下處會他一會宋兄在這裡麼

前腔

生

心下憂疑功名事怎期好分等瑟得和失

總未知李兄拜揖

丑

列位兄長拜揖

淨

李兄曾有

佳兆麼

丑

吉兆頗多未知可否明日揭曉今晚

幾更來報我們今夜怎生睡得着且點起燭來
坐坐罷天明好吃鹿鳴宴開榜便見

淨

先生念

與我聽丑還是老兄先念來生斗胆題目是顏

淵衆願聞

玉胞肚博文約禮美天姿一聞十知心中樂不改

簞瓢猛為仁功深克已仰鑽瞻忽見何奇禮樂為

邦萬古依丑妙哉妙哉解元必定是你的生疎才

淺學僅免曳白而已丑不必太謙子京兄請念

念小生小第題目是曾參衆請念念

前腔小生事親養志孝名兒乾坤永垂一日裡三

省吾身論為仁識先弘毅道傳一貫唯無違忠恕

諄諄解衆疑

丑

妙哉妙哉不低似令兄佳作

淨我

的題目是子思子思作中庸待我就把中庸來

敷衍

前腔知幾爲已致中和位育可期早湏是三近加

功因此上九經敷治無殼無臭德淵微魚躍鳶飛

問化機

丑

主意不差

淨

李兄佳作也請念一念

丑

小弟題目是孟軻

前腔知言養氣淑諸人願學仲尼怪當年戰伐縱

橫把王道魏齊交說巖巖氣象太山齊性善初開

百世迷 生 高中高中解元無疑 外 天地平如水龍

門日日開家無讀書子官從何處來小人報喜

的便是雍丘縣宋家兄弟二人都中了我且到

他家報報去開門開門 淨 想是中了報喜的來

了 外 二位宋相公都中了第一名解元宋郊第

前六名亞魁宋祁 衆 可喜可喜 生 可有一个李相

公麼 未 從頭看到尾並無姓李的有有有第三

名姓李叫着李淑中中了 衆 同喜同喜 淨 快將

銀子多多賞他 未 報報報中了一个張相公第

八名淨莫不是張子野未是淨同年同年外請

換衣巾赴鹿鳴宴去

名聯虎榜樂如仙始信姮娥愛少年

寄與讀書人苦學管教平步上青天

第十六齣外上

步蟾宮膝下雙兒新貴顯正今日歸來庭院銀缸
華焰鵲聲傳兆送全家懽怍

前腔旦涼襲羅衣眉黛淺聞捷後喜添粧面紅翠

麻衣却換錦衣旋早向華堂開宴旦公公萬福外

媳婦且喜你丈夫與叔都中了今日榮歸恐有
人來賀脩下些酒席 旦酒席已脩下了 外酒席
完脩打掃廳前潔淨

玉井蓮

生

同氣同年贏得人人忻羨

生見父介外

老夫不求身外事登科幸有佳兒蟾宮拔桂折
高枝書香還有繼天道豈無知 生小生十載螢

窗今脫迹爭誇雙鳳聯飛 旦人生得第未爲奇

要全忠與孝千古令名垂 外宋郊听道天下許

多飽學秀才不得中你今忝中解元須當勉脩

德業無負科名生謹領命外宋祁你過來舉人

進士非徒等閑立功立德以垂不朽總是吾兒

小生謹領父教外將酒過來未酒在此

好事近生一戰勝羣賢獨占鰲頭高選金鞍白馬

人人擁道爭看燈窗幾年喜今朝得遂男兒願多
因是累代陰功天贈我一門榮顯

前腔小生滔滔文思湧如泉更兼學有淵源風簷

寸晷縱橫禮樂三千身遊廣寒感姮娥親把金盃
勸等閒間丹桂高扳又還期首登金殿

前腔

外

爭誇平步上青天同胞又喜同年荷衣掛

躄何如彩袖翩翩書香已傳與燕山並列靈椿傳
分明是平地雙仙儘贏得舉家懽忭

前腔

旦

須知麟鳳產中原扶搖萬里鵬搏奎光千

丈熒熒直透白垣歡開玳筵沸笙歌不忝瑤池宴
看連翩車馬盈門摠不比舊時庭院

外

門首誼譁

想是賀客來也小孩兒與媳婦每快去催整筵

席

生

設宴懽供笑迎門賀客多

字字雙

丑

媒婆生得舌頭便會辨裙紅襖綠忒新

鮮好看走來走去脚如船窮健花紅羊酒眼望穿
罕見自家喚做高媒婆幾年前曾與大宋做媒且
喜他兄弟二人都中了舉小宋還不曾有親我
如今一則去賀喜二則替小宋做媒却不是好
前腔淨媒婆本是十分全能幹蓬頭花面嘴搽胭
鬼現有人請我去登筵盛饌未曾舉筋口流涎先

嚙

丑

你做媒婆何這般饞嘴

淨

我爲饞嘴特特學

做媒婆

丑

我且問你到此何幹

淨

聞得新科舉

人小宋相公不曾有親特來做媒

丑

這是我的

主顧誰許你捨我的我與你去見宋老爹去見

科你兩人到此有何話說丑東鄉季樞密有女

年方一十六歲聞得小宋相公高中特着我來

說媒淨老爹西鄉金員外有一女年方一十七

歲未曾婚配聞得小相公高中着我來說媒小

生稟爹爹知道待孩兒會試後回來從容議親

未晚也外也說得是已舉未嘗不曾

罕見這段姻緣真不俗赤繩繫定夫婦足

不勞二姬來爲媒書中有女顏如玉

第十七齣

淨上

新水令 小窗低坐悶無言掌上珠幾時能見憶分
離花正鮮到如今雪飛亂光景頻遷不由人不傷
感老身鄭參政之妻是也自從女孩兒入宮之後
朝思暮想去時春半今又冬殘雪飛梅吐觸物
思人教我好難消遣也 丑 稟夫人知道早間蒙
分付安排酒席如今已完脩了 淨 既完脩候老
爹賞梅回來一同宴飲慶賞則个

步步嬌

末

鶴氅溪橋尋梅遊玩寒玉枝頭綻芳姿

雪襯妍瘦影清香牽引吟情遠踏雪算歸來正紅
爐煖閣開佳宴淨相公去年冬賞雪觀梅與女孩

兒同懽同樂同暢同飲幾時再能彀一同懽樂

今且景物依然但不見我瓊英一面未夫人我

心更切但事勢至此徒悲無益丑梅雪爭春可

愛可樂料小姐深居帝宮自有福慶不須掛念

且開懷暢飲則个

折桂令滿長安柳絮風顛密洒歌樓飄溼茶烟偷
閑過三友亭前寒枝封遍一段香傳飲羊羔金帳

嬋娟費吟哦惹動逋仙地白風寒休要觸物思人
總不如醉倒芳筵

未

清觴未舉痛淚先流我孩兒

怎曉得這般苦楚呵

丑

你看那人踏雪尋梅那

人寒江獨釣何等消遙自在老爹何獨這般苦

怨

江兒水

末

謾說道觀梅屐釣雪船他胸中不染分

離怨我經年不覩嬌兒面幾回望斷昭陽殿杳杳

雀釵桂襖垂老何依白首蕭條庭院

淨

瓊英我兒

雁兒落我爲你痛心腸常挂牽我爲你惡懷抱難

消遣我爲你夢殘更接舊容我爲你逢好景添長
嘆我爲你厭吃了玳饊味我爲你晨夕裡枉熬煎
我爲你害得厖兒瘦我爲你淚眼幾曾乾天好與
人行方便若得天也麼憐放回歸拜謝天

僥僥令

末

骨肉東西意慘然知甚日再團圓莫道

寒江深千丈比我意中悲尤自淺

收江南

淨

呀早知道這般隔絕呵到不如嫁民間

三朝半月見何難往來會聚定多番說甚麼榮諧
帝嬈端的是佳人薄命斷親緣

園林好

末

只愁他長門憤寃又愁他柔軀病纏種

種思量都遍杳没个信音傳

淨

綠鬟你看外面甚

麼人嚷你去看看

丑

無緣住金屋馬扁作生涯

自家早爲內官不想時乖命蹇忤犯章獻太娘
娘逐出在外多年衣食不敷只得各處設騙昨
日聞得此間有鄭參政一女喚名瓊英春間選
入宮中一向杳無消息夫妻二人日夜悲怨不
免假作宮中出來寄信騙他一頓酒食吃或者
有些謝禮權且將就收下此間就是他門首不

免徑入丫鬟煩你通報一聲 丑見介末內相到

舍有何見諭 丑鄭娘娘差我來報喜信 末何喜

來報 丑娘娘德貌雙全萬歲爺懽愛之極半月

前冊爲美人特差我來報知 末淨如此謝天謝

地 末此人面貌張惶必是假說只怕沒有此事

丑此事實的聽我說娘娘的受用

沽美酒 芙蓉臺熊夢軒 牙爲簾臂供眠翠繞珠圍
錦繡聯鎮日醉百花筵 吹玉笛奏冰絃鳳皇樓通
宵懽忭六宮中人人爭羨我呵眼見他愛專寵專

賽仙呀且開懷把玉觴頻勸

未

有勞貴客冒雪冲

寒丫鬟你去整脩筵席

小旦

筵席排在煖閣庭

中梅花正開傳盃弄盞到有些景趣如今大雪

飄飄吟詩作賦何等快樂稟老爹酒在此了

丑

清江引乍相逢客主兩交歡世事休閒管風裁雪

又滿春透梅花煖把香醪急釀來休緩告回了

未

乏物相款屈畱相住數日

丑

娘娘專等回覆限

期緊急不敢稽遲

未

去意已決難以曲畱夫人

可取金段二端銀花一對奉作謝儀再將白金

二十兩以為謝意 淨 禮物俱在此 丑 不敢受若

是娘娘知道奴婢該死 未 理之當然收下收下

天上元無路 書傳抵萬金

承恩自今始 深慰白頭心

丑 吊場 好笑好笑正是一日不識羞三日不忍

餓我只將幾句謊話說了這樁空頭事休騙了

他許多東西今日就驟然發跡了也只怕機關

敗露招刑罰到底方知騙不安 下

第十八齣 占上

霜天曉角 雙親衰老夢越關河渺別久渾無音耗

令人幾度魂消 瑤花碎舞 簷前雪玉 盆脂水紅冰

結寒重 嬾梳妝 妝成愁更長 重曠難見面 枉落

梅花片 寂莫苦何勝 思親雙淚零 瓊英自別雙

親時常懷念 侍奉無由痛腸如割 并 無數宮中

年少女一般花貌不同看 稟娘娘知道今早皇

上拜娘娘爲妃 想不久輪到娘娘了 占 休得閑

說 并 各宮娘娘都懽懽喜喜隨時歌動管絃娘

娘獨自悶悶昏昏逐日淚沾襟濕不知爲着甚

來占我心中之事你怎曉得丑奴婢也畧曉得

一二占你旣曉得說一番我聽

劉潑帽丑六宮誰比如花貌冷淒淒苦楚難熬塵

埋玉輦何時到合都是五行招也不用多煩惱占

你說差了我心事全不在此丑我今番定要說

着

前腔白雲萬里高堂杳想晨昏甘旨誰調風中燭

燭應難保合前占說得是言及至此使我不覺潛

然泪下丑且免愁煩奴婢整酒與娘娘解悶則

个占不必如此但燒一炷香來待我告天祈禱

雙親壽考丑香案已排奴婢告退占上蒼願我

爹娘壽福康寧遐齡永久爹娘怎知我在此保
佑也不免把一年受過淒涼訴與上蒼知道

六犯清音長門春靜昭陽天杳愁見玉林晴曉萬
紫千紅教人怎不心焦眼望羊車過空傳鳳吹調
拋珠淚濕鮫綃鏤金香帶褪纖腰怎如得黃鸝對
語絲條上怎如得粉蝶雙栖錦樹梢鴛翹慵整蛾
眉倦描羞顏却惹桃花笑悶無聊聲調鸚鵡誤聽

四喜詩
七四十九
是宣朝

前腔景當清暑芙蓉香奩篔展琅玕青小齊紈風
動藍烟寶篆輕飄寂莫悲長晝炎蒸恨獨宵情難
遣景自饒驪珠藻滿綻葡萄幾時得水晶簾畔聽
金縷幾時得玳瑁筵前賜玉醪孤辰應犯愁煩怎
逃五星不遇紅鸞照六龍遙薰風殿閣長日五絃
操

前腔金飈輕透銀蟾光皎玉宇纖塵凝埽天街涼
夜冷人不覺魂消獨坐着牛女含嬌渡鵲橋人還

隔意轉寥謾隨玉女學吹簫怕聽着嘹嘹隻雁雲
邊唳怕說着兩兩文鴛沼內交黃花初綻碧梧漸
凋御溝流葉空來到最難熬瀟瀟疎雨隔夜响芭
蕉

前腔彤雲低罩嚴天施巧六出紛飛林杪玉梅香
吐閒看轉覺情搖夢短欹孤枕憂多問六爻冰衾
重玉漏迨叮噹鉄馬鬧風敲誰怜我心寒不覺薰
籠煖誰怜我院冷空將獸炭燒冤深撮合佳期望
勞從來不拜承恩詔幸難僥新粧飛燕何處逞妖

燒

尾聲芳姿二八幽宮俏四景盡傷懷抱唱斷清音

天聽高

四喜記卷上 終

四喜記目錄

卷下

第十九齣

催赴春闈

第二十齣

怡情旅邸

第二十一齣

紅樓遣思

第二十二齣

紫禁明揚

第二十三齣

雙桂聯芳

第二十四齣

冰壺重會

第二十五齣

遐憶青娃

四喜言
第二十六齣

堅持白操

第二十七齣

泥金報捷

第二十八齣

禁苑奇逢

第二十九齣

詞傾宸聽

第三十齣

詩咏花魚

第三十一齣

仁主賜婚

第三十二齣

翠閣耽思

第三十三齣

思憶雙親

第三十四齣

夢後傷懷

第三十五齣

奔告強婚

第三十六齣

佳期重會

第三十七齣

禍禳左道

第三十八齣

平妖奏績

第三十九齣

帝闕辭榮

第四十齣

他鄉遇故

第四十一齣

尋樂江村

第四十二齣

衣錦團圓

卷之十二

...

卷之十一

...

卷之十

...

卷之九

...

卷之八

...

卷之七

...

卷之六

...

四喜記下

...

四喜記

下

第十九齣

生上

謁金門 疎雨淨簾外好花開竝骨肉無緣長合併
頓成愁萬頃且淡掃眉粧不整可嘆鸞鏡分影此
去龍頭獨領斷腸鴛帳冷解元准定去了閨闈之

情誰人不恋正是成名爲俊傑割愛是男兒切

莫牽挂奴家

生

娘子言之有理但情之所鍾不

能自遣耳不知娘子有何囑付

旦

四喜言
鑱窗寒辦行裝急早趨程萬里風霜豈慣經怕難

調水土攝養須精加食強飲時衣煖冷若成名便

還鄉井合老天端的不管我離情枉然雙淚盈盈

前腔生悵青春芳草烟凝陌上驪駒作意鳴正鴛

儔愛密一旦遐征釵分鏡剖中心耿耿望看承高

堂衰景合前旦解元莫恓惶公公叔叔來了合前

遶地遊外期催南省膝下班衣冷人未別先成悲

哽生小春雲壓嶺行色含愁整酒欲醒離愁不醒外

孩兒春闈催赴行不宜遲今日大吉之辰起程

最利不知行李收拾完備未曾二生行李已收

拾完備了爹爹在堂孩兒怎生拋捨外孩兒你

曉得事君盡忠卽事親盡孝一般養體不如養

志麼二生謹依嚴命就此拜別外看酒末消愁

惟有酒逢興便吟詩老爹酒在此了

三學士外滿飲金卮送遠行願汝等早早成名親

闡莫戀斑衣舞帝里須誇綵仗迎合會看天衢雙

驥騁名和姓海內稱

前腔旦辛苦休辭此日行携書劔早赴神京雄才

定占春闈選故里還期畫錦榮 合前

前腔 生 只為功名勉強行免不得冷落椿庭飛騰

欲顯趨庭教定省難違愛日誠 合前

前腔 二生 千里鶯花得意行遠迢迢驟馬長征歡

生杏苑春風酒債了芸窗夜雨燈 合前

親在遊何遠 還愁行路難

更盡一盃酒 離別何足嘆

第二十齣 生上

滿庭芳 雲斷青山烟消綠野離人最怕芳時鳥啼

花落偏惹客心悲，總有遊絲萬丈恨，無由絆住遐

息高堂杳，寫閨寂，莫淚向暗風垂。小生行程何日

盡五雲天闕猶迷。淨望杏花深處風蕩酒旗。末試

且開懷一醉，坐柳下暫繫羣驪。合還期望宴瓊林

胥衣錦。相見科淨動問尊兄高姓甚表。末姓孫名

爽。淨久聞。末二位尊兄高姓甚表。生姓宋名郊

小生姓宋名祁。末二位莫非就是夏安州席上

賦落花詩的麼。小生正是。末好一句金谷危樓

到地香。生一時杜撰何足稱誦。末好一聯將飛

更作迴風舞已落猶成半面粧小生 乱道淨 你

休要班門弄斧還有頭號詩人在這裡未 失問

尊兄高姓甚表淨 姓張名子野未 三中先生淨

何故叫我做三中未 尊兄詞有眼中泪心中事

意中人之句以此號為三中先生小生 既是就

且詞取號何不喚做三影未 願聞其說小生 張兄

詞最得意是雲破月來花弄影浮萍斷處見山

影隔牆送過鞦韆影這三句所以當喚作三影

淨 三影也不好我曾有詩云不須行酒令任意

倒芳樽你每喚我做令尊却不是好未我曾記

得詩有云四郊無盜賊賣劍買耕牛若依底字

得號該喚做賊牛淨正是善戲謔兮如今天色

已晚大家不免趲行幾步生既如此請了

甘州歌

生

青雲萬里信英雄足下自有階梯春闈

催赴早登程逐伴奔馳殘紅遠道家何在垂白高

堂夢不違

合

圖名利嘆別離韶華空滿楚江湄經

風臥帶月炊何時醉賦杏園詩

前腔

小生

寒窗十載餘論男兒壯志豈肯卑栖門

閭須換幸文章際遇昌期題名共列黃金榜獻策
同登白玉墀合蛟髯奮鳳翅齊桃花春浪錦鱗飛
龍爲馬錦作衣六街爭看狀元歸

前腔

未

融和日正遲見園林多少紫絕紅奇春光

如海颺晴空落絮沾泥烟中画蠲衝蘭渚花外流
鶯喚竹枝合山連水路遶溪馬蹄香印落花泥莎
村杳野店稀輕風捲起酒家旗

前腔

淨

長亭傍水西見鞦韆紅粉笑語聲低遊人

如蟻轉朱輪鷲過香堤陽春不散窮途恨麗景翻

牽故國息

合

魂將斷心更悲惱人杜宇隔花啼催

征旆瞻帝畿五雲深處鳳樓迷

尾聲行勞倦日暝時停鞭沽酒不須疑共醉前村

燈下盃

千里鶯花春正妍
客懷何事轉淒然

南宮多士如雲集
莫讓先生先着鞭

未小生吊場

熟察尊兄必妙于風情者適間家

兄在上不敢細談途中無以爲樂同到前樓紅

裙一醉何如

未

正合吾意

淨

你兩人瞞得我好

令兄行路勞倦後樓上歇息去了我每且自取

樂則个小生此間妓女必無可意者淨若要可

意除非是董青霞末青霞想是宋兄貴儀淨不

是甚儀却是心肝店主人安排酒過來我每唱

飲一盃丑酒在此旦上動人紅一點醉客酒千

鍾列位相公萬福衆姑娘免禮旦只是奴家一

人來奉酒末便是你也罷衆飲酒介旦唱

對玉環花下雙成妖嬈何足稱月下崔鶯娉婷何

足稱百媚自天生千嬌許誰並妙舞春風香裊薄

羅輕醉唱春風音調金縷清

非徐日思撰王人不

清江引身材十分生得俊蘊藉風流性千金買笑

難二八春方盛倘才郎一見渾如命

衆

好唱好唱

再唱一個相思曲兒我們聽

旦又唱

爲戲餘不

對玉環密約難成凝粧空待等暗卜難逢焚香空
待等漸漸到三更才郎不志誠淚滿鮫綃難當今
夜情獨抱衾裯中宵等到明

清江引才郎果然多薄倖害得我恹恹病若還得
見他定不饒他醒又只恐罰酒時心不硬

末

越唱

越妙明日奉謝

夜深香冷燈殘
曲罷酒闌人散

第二十一齣

占上

西地錦何事愁侵眉黛燕來人未歸來夢魂不怕
雲山碍一春長繞天涯

卜算子

頓覺帶圍兒不似

前番緊夢裡成雙醒又單真个情難忍過約不
歸來欲倩東風引日日簷前噪鵲聲全沒些兒
准奴家想宋子京幾番成病前日有人說他曉
得我在這裡要來探望使我終日懸懸玉人不

到好難消遣也難消遣也

黃鶯兒粧鏡曉慵開捲珠簾燕子來冤家去後知

何在高車未迴風流願乖孤眠羞把鴛衾蓋合想

多才雙流粉淚頓覺減香腮長卦牌

前腔對景越傷懷並頭花空滿臺今番受盡相思

害敲斷寶釵誰怜病骸告蒼天只願相逢再合前

六么令犯憶多嬌佳期枉猜知他甚日歸來前春

共賞海棠開忽見花衰依舊教我愁滿懷合好景

難捱好景難捱踏遍花前綠綺堦合

前腔憂來怎捱玉醪空泛鸞盃可怜心焰已成灰

怎得蒼天默佑使我情永偕合前憔悴多因萬里

人百花亭上又經春愁來無計惟耽睡夢裡相

害逢也是真沒情沒緒不免進去假寐則个

雙勸酒丑才高貌奇青春年紀風流運低難逢美

妓紅樓一女俏容儀今日裡穩是佳期自家喚作

阿范銀圍如山如海勢如官一生只愛紅和翠柳

黃陌花階着意鑽昨日聞得有个妓女喚名青霞

生得十分嬌俊只是不肯接客想沒有中他意

的姑老若是我去定然接我此間是他門首不

免徑入則个旦慣擺迷魂陣忙開接客門相公

尚姓丑我是范銀團旦久聞久聞丑賢姐就是

青霞麼旦笑云正是正是丑春山眉秋波眼楊

柳腰櫻桃口果然名不虛傳旦實不相瞞青霞

是奴家妹子奴家喚名鶴仙丑我道你有年紀

了你妹子怎不出來相見旦他與宋子京兩情

相好從別後一年不接客了丑雖然如此想是

沒有中他意的姑老請他出來我自有的話說旦

妹子有請占春來人不來夢醒愁難忍相公萬

福丑一見嬌姿令人魂飛魄散我有三十兩白

銀在此煩做一東道我每樂一樂在你妹子房

裡去占房兒窄小難以斟酒丑不妨不妨房小

心寬酒薄情濃占姐姐你且相陪我身子有些

不快進去睡也丑青霞見棄我小弟麼占不敢

旦妹子范相公在此你且勉強陪奉則个丑二

位賢姐請酒了

羅帳裏坐春花正吐春鶯正啼當此不樂豈為得

計千金肯惜假紅倚翠合嬌歌妙舞鬱金盃盡打

破愁城萬疊

前腔旦五花寶馬千金美衣風流洒落如君有幾

多蒙光顧不勝之喜合前丑青霞你陪我一盃占

不肯介丑怒科小娘我見了千千萬萬怎的棄

嫌我可惡可惡叫小廝你與我打旦相公息怒

前腔丑我將這黃金似土白玉如泥回天轉日從

來權勢如今不順終遺後悔合前

前腔占山盟已定鸞情怎移倚強逞富難違道理

要成配偶江枯岳圯

合前丑

罷罷禮下于人必有

所求只得行一跪禮你順我一順何如

占

好不

識羞誰來睬你閉門不管窗前月一任梅花自

主張

下丑

賤人我有金銀沒俵子稀罕你

旦

妹

子年小不知世事望乞恕罪望乞恕罪

第二十二齣

外上

海棠春桃李滿枝花盡在門牆下盛時選士貢闈

開海宇聞風獻藝來心效權衡求實效豈聞蓬

革有奇才自家考試官是也昨日開榜中式舉

人例該今日叅謁左右但有舉子到來即便通

報

前腔

小生

兄弟並崑科聲譽喧朝野

相見科生

宋

郊與宋祁荷蒙高舉無任感激特先謁謝外場

共中所試惟汝之詩得西崑正體故取為第一生

多蒙大人擢薦外宋祁汝采侯詩最擅場其色

映朔雲爛聲迎羽月馳一聯可上追唐人故取

為第三傳我衣鉢小生末學何幸承此盛恩外

老夫無私你兄弟才華可愛可愛自是罕及

馬蹄花英儁無加八斗才名四海誇我品題不謬

投閱惟精藻鑑何差崑山雙玉美無瑕明庭投獻

應高價諒平生尚友阿衡喜于今熙載重華

前腔小生入生多謝褒嘉我兄弟二人呵淺陋真如

井底蛙詩慙曹建學歉楊雲德愧姜牙一朝薦拔

德無涯姓名幸免居人下感相傳衣鉢宗工敢自

負梁棟皇家外明日該廷試你兄弟兩人可預養

精神以充大對生多謝先生指教

戰捷南宮羨二難生明朝挾藝上金鳶

董生莫負天人策

學行還期百世刊

第二十三齣

未上

聖主臨軒策治安近臣如雨侍金盞爭誇文氣
連奎璧共羨威儀陋漢官下官乃宋朝中一个
黃門是也今日聖主臨軒策士不免在此伺候
則个

生淨小生丑上

上林春香霧青霏祥雲紅繞千官擁金盞殿曉鳴
鞘隱隱聲傳仰見龍鱗日耀

未

聖駕已升殿了延

試諸士不得近前就此敷對皇帝制曰朕聞治

本于道道脩于學帝王致治之術及爲學術之

要爾當詳悉以對

生

閱金令

臣宋郊臣聞繼天出治代有哲君獨贊重

華紹放勲功齊乾與坤唐虞逝陵夷不可論

小生

前腔臣宋祁臣聞帝王治法載在典墳要務須還

成性存真爲衆妙門且住我將這三墳五典八索

九丘講起來呵成功太煥乎其有文

丑

前腔臣李淑臣聞聖賢所學不在飽溫正業惟將

德性尊知行豈必分徇謬誤多由識見昏

淨

前腔

淨

臣張先臣聞股肱元首明良喜聞虎有風

從龍有雲渭莘多隱淪勤徵聘先明齋與薰

末諸

士試策已盡御覽去了少刻就有玉音到來

衆

且等候

六么令

末

策陳晁董草茆言深動宸衷臚傳金殿

响流鴻齊拜賜帽花紅綠袍着處君恩重占聖占

到來宋祁文理精通第一甲進士宋郊文理明

順第二甲進士張先李淑俱第三甲進士謝恩

謝恩科衆

風流黃榜客濟楚綠衣仙

衆

列位賀

喜殿下朱簾垂上想是皇太后陞殿

前腔

衆

坤宮馭統助飛龍尚在年冲垂簾親理萬

幾鼓寰宇內樂時雍詔宣綸綉人欽奉奉皇太后

旨宋郊兄也宋祁弟也弟不可以先兄依序而

坐該衙門用鼓樂送新進士歸第

衆謝恩科列

位明日早赴瓊林大宴正是一色杏花紅十里

狀元歸去馬如飛

下內叫

奉聖旨着黃門給事

陪宴

末

奉聖旨着我瓊林陪宴不免先到杏園

之中催辦酒席則个

率地錦襠少年三策獻重瞳柳色新袍賜九重男
兒到此是英雄濟濟瀛洲步同

衆鼓樂上

前腔均承霄漢渥恩濃宴設瓊林羅綺蔽天街十
里杏花紅人似神仙馬似龍

末

此間正是杏園請

狀元下馬

衆相見介

瓊林華宴勝似登仙人生

至此不亦樂乎

生

仰荷聖恩實慙僥倖

末把酒

介

画眉序天馬步瀛洲恩賜黃封杏花酒喜難兄難
弟並占鰲頭覽對策雖可祁前論雁序何當郊後

合
自今莫負登庸寵赤心共扶元首

前腔

生

龍袞受雙球儀鳳祥麟在廷
藪喜風雲際

會懋著嘉猷金闕靜西顧憂紆
玉堂閑東封書就

合前

前腔

淨丑

清世足文儔萬丈奎光燭台
斗喜皇家

密網一旦都收四海慶雙桂聯
芳千年羨三元擢

秀

合前

前腔

小生

華宴列竒饈翠釜駝峰世罕
有喜名榮

燒尾綾餅紅綢冠蓋擁柳障
青圍絃管應鸚簧春

奏
合前

撲燈蛾

衆

金樽頻勸酌金樽頻勸酌
歸馬天街驟
轉過垂楊路不覺夕陽時候也
感深厚待賢禮數
遇成周今朝不負十年窗下黃卷苦埋頭

意不盡一章奏表還摛就
醉夢后遙聽鐘漏齊具
衣冠拜冕旒

風暎杏花天

人醉瓊林酒

一科兩狀元

亘古何曾有

第二十四齣

生上

番卜算春晝日遲遲朝罷身無事流鶯百轉度高
枝不覺添詩息下官退食自公喜無俗事且到花

前吟詩數首左右但有客來即便通報淨好鳥

枝頭亦朋友丑落花水面皆文章丑子野同往

淨李年兄何往丑去訪公序淨如此同行丑子

野兄我與你閑論一論你有雲破月來花弄影

之句信是奇才子京有紅杏枝頭春色闌之句

亦是作家公序詩全無奇特爲何連中三元淨

他有陰隲丑有何陰隲淨他曾編竹橋渡蟻丑

說那裡話編竹橋渡蟻就中了三元若是造石

橋渡了牛倒中十元淨不要閑說此照是公序

署所不免徑入則个生閉門吟正苦客來且解

圍見介丑會元天下才狀元天下福公序連中

三元可謂才福俱全矣生君子論才不論福丑

怒科若論真才儘有強似你的呀怎的有一个

和尚進來道不同不相爲謀請別了淨丑先下

未相識滿天下知心能幾人小僧與二宋情好

甚密且喜他兄弟迭中狀元今日雲遊到此不

免進去一賀見科生遠勞下顧薄酒排塵

好姐姐

末

玉堂重瞻令儀百朋錫懽情難擬

生別

後曾擬我否

末

江雲渭樹常縈別後思

生

思前事

一科兩首言如戲今日知君術甚奇

前腔

末

莫辭香風玉卮人生世青春能幾笙歌酬

勸從教照底

生

逢知己酣情不飲盃中醴洞口桃

花也笑痴

末

小僧明日就要別了

生

到處爲家何

不寬住幾日

總得相逢又相別

陽關三唱不勝情

第二十五齣 小生上

生查子相息病漸成夢繞陽臺下春色又凋零心事和誰話小生與青霞別後朝夕縈思如今花落春歸好傷感也

二犯傷粧臺終日自嗟吁玉人庭院何事隔天涯聽啼鳥腸欲斷對明月恨愈加記得鴛幃私語切好處成愁只爲他合又逢春盡蕙蘭吐花幾時得見俏冤家

前腔空息那日醉流霞一從別後忘却飯和茶禁

四喜言
不得身如病止不住淚如麻豈料相思成瘦損追

悔當初設誓差

合前

生查子

未

乘春訪故人特過茶蘼榭

生

誰個駐高

軒倒屣忙迎迓

見科小生

有勞下顧深感厚情

未

曠別許久特茲趨候目今好鳥嬌歌落花香舞

時光正佳何故鬱鬱

小生

弟之遇青霞兄所知

也有懷難遣徒恨春歸無路可親徙悲人遠

未

尊體宜調佳人易得青霞有何美處子京愛恋

若此

普天樂

小生

爭誇一笑千金價花容嬌麗還瀟灑

美名兒不枉青霞分明是閨苑仙娃側耳聽歌音
雅似好鳥調聲在芳叢下舞霓裳風捲輕紗可意
處難描難画恨悠悠楚館怎當縈挂

未

雖然如此

吾聞上士不迷花達人能割愛願我兄自重

小

生
謹領教誨

第二十六齣

小旦上

野鳥交交野草濃無言常日怨東風也知不忘
當時約爭奈雲山百萬重奴家青霞是也自與

宋子京別後不覺一年餘矣儀容久曠音書杳
無昨日聞得他高中後染病在京是因我之故
咳質陋墻花情縈霄鳳可慙可幸迹雖踈而愛
實殷不免剪些頭髮托人寄去也表我一點真
心却不是好

步步嬌 一別仙郎心無主淚眼拋紅雨綠雲嬾去
梳驀地焚香慢把金刀舉剪付俏相如寄與愁千
縷

集賢賓 宮粧舊樣難再覩香盤翠綰都虛一任鬢

鬆如亂蕪嘆昔日鸞篋何所心中自苦割不斷相思情緒知幾許還更比髮莖難數

江兒水記得香消後燭滅餘鴛鴦枕上情交吐好事從來多間阻風流枉自思前度誓不從人懽聚結髮相隨怎比荆釵淑女

香柳娘把胸酥暗撫把胸酥暗撫白頭空賦雲翹冷落眉羞嫵掩菱花自語掩菱花自語膏沐爲誰疎飛蓬豈須顧恨佳期已悞恨佳期已悞同穴盟言君須記取

四喜言
餘文花前月下添淒楚恨不能身生翼羽飛到瑤
臺諧鳳侶

仙郎一別又經春

萬里青雲喜致身

欲見無由鴛閣冷

含愁剪髮寄江鱗

第二十七齣

外上

丹鳳吟鬢入衰年素添蒼變那堪遊子天涯遠鴻
斷鯉沉鬱懷怎遣老邁無他樂庭趨有俊兒不面
班袖舞專望錦衣還自兩個孩兒上京赴選今
揭曉已過了還不見報捷的人到

行香子

旦

葢燭頻妍喜鵲虛傳憶仙郎夢繞長安

春闈筆戰未審誰先對粧臺羞寫鏡冷花鈿公公

禹福

外

媳婦你丈夫與叔叔杳無音信不知功

名之事若何

旦

事皆前定公公不必挂懷

紅

稟

老爹知道紅香夜來得一夢夢見小相公頭被

大相公割了

外

痴人說夢何足信哉

石榴花

文場高選膝下慶雙賢詞勝景筆如椽英

雄誰比綠衣仙騁春風寶馬長安只憂讓祖鞭取
靈尸卜筮還多遍定應是虎榜高標怎不見雁錦

四喜言
遙傳

前腔

旦

画眉人遠無奈意懸懸香篆冷瑣窗寒綢

繆空想別時言眇天涯玉筯闌干何時得錦旋恐

蒼天不遂心中願且殷勤甘旨躬調望輝光冠帔

恩宣

不是路

丑

涉盡雲山早到雍丘下錦箋

外

想是報

捷的到了忙相見

丑

且喜二位相公都高中了春

風得意聽臚傳

外

宋郊宋祁榜上俱有的麼

丑

宋

祁前宋郊第二俱俊選

外

莫不是誤看了榜上分

明豈悞看合天從願聯芳雙桂真堪羨不勝懼忤

不勝懼忤

前腔

淨

月轡霜鞍千里馳驅疋馬寒心如箭泥金

報喜敢遲延

見科

且喜二位相公都高中了外方

總有人來報我知道了淨天殺的又搶我的頭報

去了他敢是不實的外他道宋祁中了狀元宋郊

就中了榜眼是榜上看來的淨我道他不實宋郊

前宋祁第二俱優選外莫非是你悞看了淨榜上

分明豈誤看丑我是榜上看來的顛倒不實偏你

是實的淨我不與你爭見有試錄在此作証且兩

下言語不同莫非都是騙子外事有可疑休相騙

兩辭不合如何辨轉令心亂轉令心亂未一舉首

登龍虎榜十年身到鳳皇池大相公小相公都

中外兩個報捷的在此相爭求賞你且說个

辨端的

掉角兒未榜初懸第為狀元兄並列亦登高選第

先兄倫理非宜因此上把名更變外既然如此你

兩個都是實的二難名俱首占兩人言皆不謬合賞

金錢每人送他白銀二兩淨多謝多謝合唱宮花

帽偏春風杏苑弟和兄躍馬雙雙勝似登仙

前腔衆喜孜孜焚香謝天笑盈盈滿門懽怍換門

間榮親顯妻佇看他達能兼善際明時逢聖主顯

嘉猷成懋烈旦爽齊肩合前

餘文喜今朝佳音轉玉堂金馬兩神仙會看黃金

腰下懸

三報佳音抵萬金
萬金難買此懽心

世間喜事應無限
惟有登科喜最深

第二十八齣

旦小旦丑上

一剪梅御苑春花照眼明喚起遊情共暢遊情呀

鄭娘娘來了占群仙鳴佩過瑤亭含笑相迎整袂

相迎相見介旦鄭娘娘且喜月朗花嬌宜共一賞

丑我每見鄭娘娘倚闌長嘆有憂愁不足之意

問故與列位娘娘相約遊春消遣悶懷則全占多

謝厚愛

素帶兒旦穿芳徑楊柳風吹素帶輕雕闌畔一簇

海棠嬌逞相應雙小鶯向何處飛來枝上鳴聲堪

聽我愛他喈喈嚙嚙
睨睨嚶嚶

昇平樂

占

多情二八娉婷
自春來愁隨芳草
叢生

香寒絨吐綉窗
幾度停針
熒熒臂痕長帶
守宮明

鎮日裏枉思恩
幸自傷薄命
尋花恨重折柳
憂增

素帶兒

丑

山青日正晴
無邊麗景
鞦韆笑忍將好

夢兒驚醒
行行渡錦屏
遙見翩躚雙蝶
迥添遊興

是何人低吹玉管
暢飲銀觥

昇平樂

占

還驚殘絮飛零
問東君爲何便整
歸旌

流光似箭
誰有繫日長繩
清清一春空過
喜難成

盧扁藥怎消憂病不堪孤另龍輿目斷鳳輦魂縈



小生 經筵散禁苑行驀相逢內輦經幾廻

欲避無岐徑奉乾宮亦合輸恭敬急趨迎鞠躬待

罪臣無任戰兢兢

前腔

占 宮袍綠玉貌清逞風流一俊英呀原來是

小宋

叫科

緣何默默唇緘定料他心欲應知難應

謾留停東風回首無情惱多情

衆 請各回宮

洪恩暫似芳春樂

薄命仍禁獨夜愁

小生 吊場

適間第四位他與下官不曾相認何

故叫此一聲使人不能不動情也獨步無聊不

免撰一小詞遣懷則个

想介

嫋嫋東風御苑通

鸞車齊度百花中風情獨數飛瓊最猛聽鶯聲

出綉叢金齒舊玉芙蓉水沉香護葢珠宮劉郎

已恨巫山遠况隔蓬山幾萬重

丑

爐烟添柳重

宮漏出花遲李淑忝居翰苑朝回無事且向禁

苑中觀紅玩綠一會呀子京爲何在此躊躕

小

適間在此遇一奇事細告與年兄知道

丑願

聞願聞

懶画眉朝回紫禁步東風馥郁香生萬錦叢仙娥
羣輦偶相逢一聲小宋低低喚惱亂春心不自容

丑他喚你時節你見他人物如何

前腔遥瞻玉臉綻笑容高髻雲鬟粉黛濃妖嬈端
的冠椒宮我想起玉堂金馬錦繡文章端的是英
雄俊傑總然欲染高唐夢隔斷巫山十二峯丑子

京你詞賦甚高有此奇事何不作一詞以記之

小生方纔作過小詞了丑試說一遍何如小生

念詞介丑妙哉妙哉不但有筆力且有風情承

教了... 喜香... 勤... 早

玉兔豈嘗離月窟... 竹狸空想吃天鵝

丑吊場 好了好了宋家兄弟平日能會矜誇十

分欺我如今小宋犯此罪過決在不赦不免把

此鷓鴣天教樂人習學傳至禁中查出何人所

作那時定有發落他罷斥也消我平日之恨正

是天作孽猶可違自作孽不可活

第二十九齣 丑上

玉樓春暖香薰透桃花頰春殿嬪娥魚貫列宸

宮方得萬幾閑鳳旆龍輿遊典切風和花苑數

輕蝶芍藥叢深宮漏徹笙簫吹斷錦雲開齊唱

太平歌幾曲自家乃是宋朝一个掌宮太監是

也今日俺萬歲爺爺出遊禁苑勅後宮隨駕不

免叫承應的在此伺候則个衆承應的已到了

丑且伺候着你看祥雲團鳳輦御柳拂旌旗想

是朝廷來也扮宋仁宗皇帝上

祝英臺世雍熙春富貴朝政已紛解占花比嬌容

織柳闌眉黛仁喜看舞蝶迎幢飛英逐輦合早遊

幸春光難再

占

憶秦娥

香馥郁御前無數人如玉

翠翹金鳳十分粧束

仁

繁華簇絳垂楊綠風光

恍似華胥國民安物阜太平歌曲

衆進酒介

禁苑中春芳滿眼端的賽蓬萊柳惹亂鶯

花引遊蜂偏稱綺席重開瑤臺萬紫千紅相偎沉
醉東風何得不爲樂只恐朱顏催改

衆作樂科

仁時泰慶歷年雨順風調人似在無懷庭

角鳳鳴囿內麟遊不忝堯年舜代交快八方不動
征旗坐享四夷朝拜古今事惟有清平難買

衆舞科

四喜言

前腔 占 堪愛繞翠華玉珮瓊琚十二耀金釵花拂

翠翹草映紅裳春色煖添桃腮開懷鳳簫寫管交

吹聲徹梨花雲外且高歌莫負春光如海 衆唱鷓

鴝 天科仁 此詞清麗朕尚未聞不知何人所作

衆 翰林官宋祁作的 仁 宋祁何為作此 衆 一面

傳說后宮出遊時有人見他呼了一聲小宋因

此即編此曲 仁 此乃何人 丑 鄭瓊英 仁 瓊英何

在 丑 爺不召不敢來 仁 可速召來見朕 丑 得旨

占 倉忙離禁閣匍匐赴皇宣陛下萬歲萬歲萬

萬歲仁瓊英你向日出遊爲何叫一聲小宋從

實說來占臣該萬死那日出遊呵新夜夢雙關

前腔剛在綠楊邊整一蹇帷驀地見喬才不合謬

呼豈爲多情真個似痴如呆罪大自知萬死難饒

只望洪恩天蓋仁赦汝無罪占謝恩科願天保聖

壽綿延萬載仁你爲何認得宋祁占狀元傳臚之

日臣侍皇太后因此認得仁汝嫌宮中之冷落

動此懷春之情乎占臣有此心天必不容

鶯花三月景 一刻值千金

四喜言
樂意同春濶

君恩似海深

第三十齣

丑上

宮殿峩峩出綠槐
鬱蔥佳氣接蓬萊
蟬聯步武
壽雲臺上願奉君王萬壽盃
自家叨爲內使得蒙
主上眷愛今日駕遊紫苑
詔近臣呂蒙正文彥
博等扈從不免等待衆官到來
一齊候駕則个
遠遠望見聖駕來了

高陽臺

末外

罷舞龍墀催遊鳳苑
臣隣齊過雙闕

香散氤氳望中烟紫
猶結輕風綠樹宸遊
稱看鳥

外寶幢飄揭擁金輿紅雲一朵翠珠羅列

前腔

仁

金甌幸保無缺且遣懷仙液荷放小錢如

撒嫩綠成陰雛鶯乳燕飛睍閒情莫負芳時賞聽

鳳韶一派聲徹樂盈盈如魚如水君臣相悅

仁女

前腔退班

衆應科

暫奉宸遊樂難逃宮禁嚴

下仁

卿等平身幸喜太平無事與卿等遊樂片時且

免拘君臣之禮

未外

蒙陛下深恩臣等不勝幸

甚

衆進酒科

高陽臺序

仁

四海安康邊疆安靜文修武偃堪悅

四喜言
錦綉江山正逢太平時節不劣祥麟瑞鳳來庭野

醴泉迸赤芝森列滿金盤滾滾甘露瓊雲盤結丑

碧闌干外葵榴盛開請移席賞花一回仁朕心

正欲如此

前腔末爭閱艷蕊凝脂繁枝簇錦香引亂蜂狂蝶

西子楊妃醉顏笑靨無別聲聒鴛笙鳳管交盈耳

轉輕颺翠盤舞絕趁芳辰明良共賞綺筵重設丑

請往太液池頭釣魚一回仁正合朕心

前腔外活潑在藻依蒲喋萍戲藻可愛素鱗拋雪

香餌潛勾却把一竿輕掇波濶天機觸處呈魚鳥
傍龍輪綵鴛飛頡奉宸遊風光無限咏歌交發

仁

俺君臣賞花釣魚可謂樂矣卿等可賦一詩以

紀勝遊

末

聖藻先擒臣等奉賀

仁

灼灼花鋪錦

雙雙鯉上鉤詩咏天保什酒泛鎬京甌

末外輝

煌聖藻上繼典謨臣等莊誦不暇安能嗣响

仁

毋譽毋謙

末

駐輦蓮花畔投竿蓮葉東新紅深

映袞羣鯉競朝龍

外

玩物心非正觀魚事已非

茲因不可續有道只垂衣

仁

卿等作詩並佳朝

臣中還有能詩者乎未能詩者固有蛙聲蟬噪

而已仁宋祁何如未頗有詩才仁宋祁春遊禁

苑遇朕宮人宮人斗他一聲他作一鷓鴣天詞

卿等聞之乎未外臣等不聞仁前日李淑有本

劾他詞荒意悖無人臣禮朕看來自是詞人丰

韵何足罪哉未外陛下如此寬恩宋祁無任感

激仁卿可令宋祁來回話未奉旨下仁朕與卿

再賞花一回何如外臣有一事奏上仁說來

前腔外聽說戒切苞桑憂先陰雨永保蕤皇洪業

逆耳言忠漢廷彤檻曾折諄切丹書敬怠垂訓也

願深徵色荒覆轍喜朝中臣多骨鯁諂風滅末

祁自招罪小生臣一言既悖萬死何辭仁赦卿

無罪卿曾娶妻否小生臣年方十九未曾娶妻

仁蓬山不遠朕以此女賜卿丑謝恩小生萬歲

萬歲萬萬歲

朕推心置人腹臣刻骨感皇恩

君臣合昌國運夫婦配盡人倫

第三十一齣末上

瑞香遍滿玉樓春慶賀新郎催拍頻燭影搖紅
雙勸酒稱人心處感皇恩將宮女賜爲夫人今
宵合鬢喜氣盈門遠遠望見華燈燦爛綵轎崢
嶸想是新人來也不免叫贊禮人伺候成親則
个呀贊禮人已到了

淨

金錢花画堂風景難描難描銀屏彩燭光搖光搖
九重恩詔鳳鴛交男俊俏女嬌嬈懽喜慶笑聲高

大叔拜揖

末

宮娥下嫁非同小可你贊禮須要

仔細

淨

仔細仔細只要多些利市若無利市說

殺不濟

小生上

連理枝榮並頭花好天喜吉星高照花燭

喜承恩詔跨鳳瑤臺占盡古今榮耀

爭

新人將出

請迎接

占上

生姜芽天街暗馥飄轉輕飈雙燈燦爛輿前導錦

纏頭碧玉簫風光好

衆

仙娥含笑離蓬島喜當良

夜結良姻奇逢不負花前叫

衆

花正芳菲月正圓

瑤天仙子降雲端若教聖代掄嬌艷定作人間

色狀元

升

奉聖旨將宮嬪鄭瓊英賜宋祁行夫

婦禮秀女一人太監一人從嫁望闕謝恩 謝恩

科淨

請新人行禮

行禮科淨

送新人請後堂筵

宴

淨

花燭影中看玉貌玉簫聲裡送金盃

淨行

禮已畢請新人歸洞房成親則个淨

憶奴嬌

小生

花燭紅搖感君恩似海特賜鴛交牽

紅處白慶福緣非小惟笑春滿房權雙雙孟勸風

光正好今宵一似俏雲英會合王京瑤島

鬪寶蟾

占

春朝玩賞花郊偶香堤邂逅一聲輕叫

奈風傳中禁頓生煩惱誰料赤繩曾繫定紅葉不

須勞美才高一曲鷓鴣新唱勝求月老

錦衣香

小生

寶篆香銀屏皎綉幌翻金釵巧急管

繁絃珠圍翠繞團花宮襖映宮袍內家舊樣鳳髻
鴛翹占嘆長門靜悄再經春銜輿不到自分今生
裡孤眠盡老不期禍變番成佳兆

漿水令喜孜孜鴛顛鳳倒美津津露濕花嬌猩紅
一點染鮫綃笑陽臺雨散雲消心交愛情真妙流
酥帳護人年少譙樓上譙樓上漏催天曉同獻表
同獻表拜謝天朝

尾聲謝天朝齊祝禱御體茂膺天保慶衍螽斯聖
壽高

一曲鷓鴣天

博就鴛鴦侶

此事古來稀

萬世頌明主

第三十二齣

紅翠上

哭岐婆

紅

筠亭風細荷花香遞湘簾捲起塵空糝

几偷閑聊此坐敲棋西飛白日繩難繫

前腔

翠

蘭襟蕙體輕裙颺綺逍遙画宇神仙難比

時時挈伴恣閑嬉人生莫負芳年紀

紅香姐萬福

紅

翠艷姐萬福姐姐我和你被大娘拘束得緊

一向不會得耍一耍今日他午睡未起我和你

到池亭上下一局棋何如翠到好只怕撞見時

吃一頓好打下棋科旦成人不自在自在不成

人你每在此何幹紅日長無事下一局圍棋耍

子旦針指不做幹此無益之事好打紅丫頭每

知罪了翠大娘且喜旦有甚麼喜翠添了妯娌

聞得聖上把一宮人賜與小相公爲夫人了旦

此事未知的否何如紅大相公中了狀元大娘

子正該懽懽喜喜爲何柳眉攢翠桃頰銷紅
你每却不知道

綉帶兒春歸後雲鬟倦理仙郎杳無歸期總不怜
憔悴紅顏也難忍冷落班衣我想起我這寺花容
月貌比往常間更不同了怎禁得這樣愁懷萬
種因此消瘦

宜春令病骸困沉沉鎮日如痴豈學人雨尤雲殢
禁不得沒情沒緒曲闌頻倚

降黃龍把當時送別臨岐執手叮嚀把糟糠棄如

今呵相拋萬里想合受淒涼是我運蹇時低

醉太平淋漓幾迴雙淚暗偷垂怎知我這般滋味
總然帶黃衣紫到不若厮守少年鴛幃

浣溪沙風弄竹月在机誰共泛紫霞金卮連宵飛
夢到天涯城樓画角吹覺起

啄木兒觸景添悲無人處花綻鳥啼芙蓉絳簇波
心綺幽香暗透紗窗裡離綉床羅襪臨池瘦形骸
庭花怎比

鮑老催寂寥自知林鶯懶扳連理枝鴛箋謾寫離

恨詩思權聚枉設策空施計怎得蕭郎心轉意回
上小樓咱這裡形孤心碎他權生錦綉圍翠樓又
恐恋嬌姿欲待廻文織錦怎織得幾許相思

雙聲子雲鴻至江鱗逝怎不把音書寄鶯啼序金
錢問全無些靈意又怎憑燈鵲龜尸諸般可疑望
錦衣婦春未審何時
尾聲深情免使傍人議嗟我懷人天際專一湏看

卷耳書

仰望惟君子

無邪不害息

甘爲望夫石

何日是歸期

第三十三齣

占上

二郎神心悒快念白髮雙親各一方菽水自晨昏
誰倚仗斷鴻沉鯉杳沒音書來往天際孤雲牽恨
長嘆何日高堂侍養空望想怎得身生兩翅飛到
親傍瓊英荷蒙聖恩得遂夫婦之樂奈雙親別久
杳無音信年老身孤怎不傷痛我心也天那正
是無窮愁緒也

囀林鶯

小生

朝回無事堪舉觴綠陰清晝偏長夫

人爲何悶坐在此怎生心中不樂爲甚麼也我和

你琴瑟和諧多好况且乘暇開樽傍水雲臺線兒

丫鬟整酒涼亭上來看鴛鴦兩兩相隨戲浴在綠

波池上線酒在此了小生夫人爲何落淚占扇無

涼猛可的香腮微汗沾裳小生夫人得非以蘭房

不若椒宮耶占在了哀哀父母生我劬勞久別

多時豈得不傷懷抱小生原來如此不說不知

於十日前蔡州人便我已寄書與你父母去了

早晚間有人來也線夫人請酒

啼鶯兒 細紋翠簾金獸香浮瓜沉李新釀 占 我不

飲了

小生

夫人可再飲一盃幸沐天恩離宮禁開

懷同我懽賞看玉渠蓮開竝頭更竹下薰風添爽

合

美雙雙花前飲不羨鳳和凰

憶鶯兒

末淨

離舊邦入異鄉山路崎嶇水路長宿

水殮風勞怎當老爹你看前面山頭上霜葉紅于

二月花真个好秋景也鴉歸夕陽峰橫斷岡長

安近闕朱門敞呀此間就是宋家門首怎的沒

有人在此不免咳嗽一聲

小生

線兒外面是甚

麼人來你去看一看 線 尊官何來 末 你報與夫

人知道鄭叅政和夫人來在此 線 我夫人正在

此思想酒也不肯飲來得却好就請進去 占 原

來是爹媽來也 相見介 合拜

玉嬌鶯兒 占 容兒謾備陳痛當時分離慘傷苦不

得一見君王長門裏冷侵鴛帳看花艷陽出言太

狂幸天顏有喜成姻黨 合 謝穹蒼謝吾皇厚德福

壽永無疆 小生 今日幸喜岳翁岳母遠來聊此薄

酒拂塵 末 何勞盛設 占 線兒你把鷓鴣天曲唱

與太老爹太夫人聽一聽淨這一曲鷓鴣天就

是我孩兒的冰人月老

御林鶯歌新曲按舊腔兢吹笙再鼓簧鷓鴣聲裏

愁顏放未賢壻你蜚聲玉堂孩兒你褒封鳳粧我

夫妻鬱抱從今暢合喜難量相輝冰玉天賜這美

東床淨孩兒我家下無人數日後就要回了占母

親跋涉辛苦且寬住數月何如

雙親重會喜難禁 玉漏迢迢月未沉

准擬明朝重設宴 開懷痛飲碧筒深

第三十四齣

小生上

鵲橋仙

我息病染他息病染兩下相息病染楚

天雲慘斷來鴻空倚遍画闌綉檻一更三點二

東更三點又早三更三點銀燈剔盡不成眠看明

夫月容消色減下官蒙聖恩賜宮娥匹配無任欣

幸人苦不知足得隴復望蜀青霞尙未同衾積

懷猶在如何是了

雲華怨小窗更靜滿絺襟都淚痕玉人何在無由
近連宵落得夢頻仍長溪日夜滔滔流不盡萬愁

千恨

前腔佳期天靳總情多難與親九霄更絕飛鴻信
悔前不合認真恨陽臺雲雨茫茫空坐看落盡燈
燼不覺神息困倦且隱几一臥小旦奴家青霞是

也思憶子京只得背了鴛母私自到京與他一
會此間瓊樓朱戶想是他的住處不免徑入則

个小生呀青霞如何得到這裡

羅江怨

青

慊慊病一春難逢可人淚紅遍染羅袖

痕金樽不解兩眉顰也紅拂宵征胆怯金蓮緊

小

生 紗厨鳳枕新紗厨鳳枕新和你今夜懽娛准內

鳴鑼科小旦下小生醒科占上相公爲何驚嘆

小生 我自有事



占 你爲何困騰騰晝不醒悶懽懽宵廢眠

轉流鶯爲何聽了番成嘆海棠開爲何見了轉淚
連我和你伉儷情天地遠合懽意寫鳳聯你爲何
不肯全拋心上言小生夫人實不瞞你說

前腔 少年心風絮顛偶遇着絕世姿烟花賤急煎
煎許結了同衾願美孜孜成就了共枕懽怎知道

惡風波猛折冤家散到如今害相思離恨天怎能

穀花再芳菲月再圓

占

相公我只道你別有甚事

只爲此你休怪我說

小生

但說不妨

江頭金桂

占

可笑你情疎意淺既相投忍弃捐試

問嬌娃何在幾載不見

小生

與他相別歲餘不知

所在

占

此女心性何如若是不好的娶將來愁不

便但願處事周全立心和善只怕倩風情不改花

性仍堅復落猖狂話傳况佳人易得况佳人易得

何須專恋

小生

佳人雖有難得這般情愛的

占既

然如此何不就去請來莫遲延不妨鳳閣諧重侶
管取鸞膠續斷絃

前腔

小生

自愧當年乖舛感伊家特見怜若得相

容重取美意不變你賢聲傳播遠與他話別秦樓
歲華遷換好似銀瓶墜并斷綆無援重重悶懷難
自遣若魚沉雁杳魚沉雁杳尋踪空遍 占只怕他

又屬豪家去了 小生

我也慮此意常牽長條定折

他人手麗曲知調若个筵 占

相公你不必遲疑可

作急差人去尋訪娶了他罷 小生 多謝夫人厚意

語知柳有鵝飛見雪藏鸞

妻賢容娶妾妾寵莫忘妻

第三十五齣 未上

胡搗練如馬駿似琴清黃茅從事膺新命奸黠聞

風咸自靜謾誇蘇呂擢名卿職任節推五刑是理

如得其情哀矜勿喜下官姓孫名奭忝中宋郊

榜進士除授開封府推官雖不能片言折獄亦

可喜縣獄空圉今日乃放告日期但有告狀的

放他進來 小旦 老爹告狀 末 你那婦人告甚麼

狀 小旦

一封書青霞妓訴情欲語衷腸先淚零未有何冤

枉情詳細說來小旦豪強法外行披霧公堂乞斷

明未甚麼人用強小旦范銀團帶領羣僕強奪奴

家為妻強逼身為鴛鳳友未何不從了他小旦奴

家先許了人了許嫁他人怎背盟未曾許甚麼人

有何媒証小旦張子野為媒玉釵為証事先成理

難更肯負多才宋子京未原來是子京先聘的叫

皂隸快寫牌拿范銀團來青霞你家還有個鶴

仙可在麼小旦從良去了淨甕中捉鼈手到拿

住范銀團在此了未那婦人告你強占他爲妻

從實招來

前腔丑銀團范有名花柳叢中過此生青霞貌可

憎鎮日求權計已傾豈料緣慳難作偶空惹狂心

烈火騰到公庭甘受刑未雖然有財如何強占妓

女丑不但小的如此就是老爺也好妓者未這廝

胡說你曾見何人好妓來丑老爺等我就說來曾

聞君王覓愛卿未本該問你一个罪名姑且從輕

發落

丑

望老爺作主小的情願納銀二百兩斷

與小的罷

末

這厮好打聖上也愛宋子京將嬪

妃賜他况是原聘皂隸快打出去

丑

滿拚窈窕

諧情事誰想風流剝面皮

下末

青霞我明日同

張先生去望子京去就講這段事情叫他來娶

前你你意下何如

小旦

若得老爹高言奴家沒齒

不忘

雀角何難辨

鴛情斷不移

得他心肯日

是你運通時

第三十六齣

小旦上

一江風月圓時萬里清光滿誰在瓊樓醉冷清清
翠減紅銷受盡淒涼味玉露滴高枝玉露滴高枝
金風透薄衣風和露都做了愁人淚奴家蒙孫老
爺恩判得脫銀團之累那日曾說與張老爹去
訪子京講此一事來取奴家今經數日杳無音
耗不知去也未曾好悶人也

月兒高粧嬾鬆雲髻愁多瘦香臂可怪清秋月偏
照孤幃內絃斷樽空難禁這憔悴何時定結定結

四喜言
鴛鴦對想他燕爾新婚不思舊人意喜燈盞十分
竒倘然搥碎青樓燹明香謝天地

玩仙燈

末淨

華屋夜涼微隔簾櫳玉簫聲起

淨孫

年兄今夜子京招飲青霞之事定有下落何不喚
他出來先分付一番

小旦上

仙燈近步入瑤堦夜

月明如水

見淨科

這幾日公事冗冗不曾去訪子

京幸今夜請我二人賞月席間說起事必諧矣

末

此事還仗子野與他成始成終爲妙

小旦此恩

此德啣結難辭

淨

只是一件他眼熱官高恐嫌

淡薄汝必盛容相見方可成事小旦謹依指教

丑香尊邀月飲華月可人憐俺老爹請二位老

爹早付月筵末曉得你可在此等候我每就此

同行小旦眼望旌捷旗耳聽好消息下

金雞叫小生涼月澄新霽閑邀故人小筵懽會末

淨冰輪玉宇無纖翳光漾銀舟香飄金桂見小生

科醉太平清秋景奇高明興齊一天明月揚輝

且懽傳玉盃淨流光若飛人生易衰末自嗟勛

業難期對良宵更悲小生左右一壁廂取酒來

一壁廂喚幾個樂妓來勸酒 丑 領鈞旨樂妓何

在 衆妓上 紅裙不自得錦綉必須邀 丑 稟老爹

樂妓俱到了 小生 過來叩頭 衆妓 樂妓嗑頭

梁州序 末 閑雲飛盡清蟾光滿玉笛風聲遞遠知

音相遇何妨此夜遲眠忽見殘螢照袖獨鶴停堦

庭院天香遍興來翹首處更嬋娟一曲霓裳酒亂

傳 合 愁頓解涼消汗恍疑身在清虛殿塵世裡幾

華筵

前腔 小生 斜拖絲綰輕搖紈扇何處玉樓仙眷湘

簾高捲遙看寶鑑空懸暗想當年竒遇美景依然
眼底人俱換水晶幽閣裡象床閑欲把幽懷寄素
絃

合前

前腔

淨

碧澄澄水浸闌干翠嵬嵬梧桐影轉更金

風細細暗推歡面莫教漏催銀箭香冷金猊且自
耽佳宴光陰容易減豈長員酪酏須教似謫仙

合前

前腔

旦占

画堂深鼉鼓音闐碧空遙紫簫聲婉怪

丁東何處搗衣砧亂謾道光陰易度勛業難期終
遂男兒願玉壺傾盡後意無邊欲駕蘭橈弄碧漣

合前

節節高

衆

姮娥永獨眠可人怜爭如牛女年年見

銀河淺烏鵲翩蒼山遠滾滾玉露荷盤濕綵鴛亭

裡驚相換

合

更取瓊漿共酣歌清涼世界更長戀

前腔冰輪乍皎然正中天懽悞不覺宵光半綸巾

岍絺袖偏棕鞋便婆婆娑醉舞人爭羨東方只恐陽

鳥換

合前

餘文月團圓人康健酒盃莫放此時乾明夜還應

結醉緣

月下一尊酒

高歌兩情暢

豈無失意人

對月空惆悵

小生

子野兄你道豈無失意人對月空惆悵我

輩暢飲酣歌如何念彼失人意

淨

失意豈得不

念只怕難得見耳

小生

子野兄此話蹊蹺想是

青霞有甚消息

淨

一猜就猜着了先拜孫年兄

一拜我纏說與你知道

小生

青霞若在莫說一

拜百拜也不敢辭

淨

青霞原來移住在永春坊

被一个富豪范銀團強逼成親再三不肯投告

四喜言
在孫年兄處小生發落不曾淨孫年兄恐那富

豪懷恨從輕發落他去了青霞依舊斷還與子

京若不是孫年兄主張幾乎青霞與銀團樓在

一處了小生如此多感待小生拜謝末子京不

須如此一面着人迎取青霞回來就是

金菊對芙蓉小旦慾海收航烟樓消障玉釵新整

鴛粧小生頻勞夢想今夜裡方解愁腸合相逢喜

劇渾如夢寐勝照銀缸小生相別已久虧殺你此

心不變小旦無限苦情一言難盡末東方已白

我輩告回小生容日奉謝未夫人處須要小心

調護小生我自有的處未青霞善事夫人切莫爭

寵小旦多謝指教未淨綺筵酣白日金屋貯青

霞下小生你別後曾想我否

玉山頽小旦從伊別後罷濃粧慵登翠樓鎮日裡

珠淚交流恨茫茫幾能成就天長地久一點丹心

依舊如今虧了孫老爹合感謝恩深厚萬倍難酬

願他名姓覆金甌小旦不知相公會想奴家否

前腔小生爲伊消瘦對鶯花無時不愁幸今朝續

四喜言
配鴛儔海誓山盟如何能負懽容笑口喜過初逢

時候

合前小生

線兒請夫人出來

旦

綉幌迎新日

金屏裊瑞煙

見科旦

此是何人

小生

正是我挂

念的董青霞

旦

從何而來

小生

孫年兄與張子

野送來在此

旦

相公賀喜了青霞我見汝猶怜

况小宋乎

小旦

奴家不才自墮烟花得蒙大人

拂拭所謂生死骨肉

旦

往事休論謹脩婦道聽

我說來

玉交枝相逢不偶愛卿卿言和義柔從今一洗烟

花垢兩情更喜綢繆相公離寫別鳳應解憂青霞
雲鄉雨徑休回首合把從前風月盡勾早斷絕鶯
侶若燕友

前腔

小旦

清規願守侍蘭房抱衾與裯調脂弄粉

誰還又玉箏檀板都收多謝夫人收畱了良緣已
遂君子速相公長條免折他人手合前

餘文十二時重寫疊鳳人間有這和氣春風方信
仙郎福分隆

合浦還珠喜不勝

小星恰合古人情

今番占盡風流福

絲竹青樓月自明

第三十七齣

小旦上

芳閨誇艷色四海譽神兵自家胡永兒自也因
發賣泥蠟燭賺誘貝州王則去見聖姑姑成其大
事如今三十六州俱以歸順矣帳下張鸞十吉
前他二人變化無方癘師左黜神通不測以致宋
國將明鎬望風奔潰真个天下無敵豈不樂哉今
雲日兵閑無事召諸將宴賞一回却不是好道猶
未了諸將到來

衆上

將相本無種男兒當自強

衆將官并介后皇萬歲小且卿等平身衆皇上

來也

賀聖朝

丑

天福神皇神后桓桓羣將多籌等閑握

璽御龍樓玉食錦衣消受大丈夫不能流芳百世

亦當遺臭萬年寡人王則是也法受五龍位登

萬乘可謂富貴之極矣今日宴勞諸將不知筵

席完備未曾淨完備多時丑

宜春令流光迅菊已秋嘆人生誰長黑頭鳳簫鸞

管風流肯落誰人後庭院深翠繞珠圍琴瑟好天

四喜言
長地久

合

且流連花前玉笋鬱金芳酒

前腔

衆

參帷幄出異謀謝深恩榮封列侯月弓星

劍千回不弱蛟龍鬪指顧間霧罩雲籠呼吸處風

飛電走

合前丑

酒闌矣諸將班師回營去也

包子令

衆

持世當今彌勒尊彌勒尊五龍滴淚演

經文演經文福背分明天數定管教一戰定乾坤

定乾坤

合

須知韜畧屬釵裙須知韜畧屬釵裙

前腔鶴化獅驚猛虎尊猛虎尊豆兵草馬陣排雲

陣排雲計就貝州登寶位笑他明鎬望風奔望風

奔

合前淨

左黜奏事昨日拿得一個和尚喚名慧

雲善能風鑑早知過去未來

末

和尚稽首

丑

說

你會相仔細相寡人一相

末背

此人即日亡矣

正是在人矮簷下怎敢不低頭目今說他好庶

免刑戮

轉云

萬歲天日之表龍鳳之姿乃真命

天子也

丑

皇后何如

末

皇后玉容月貌乃太陰

星化身福壽必遠

小旦

相得好相得好除他禮

部員外郎

末

小和尚出家人不願官職

小旦

既

不願官職賞他黃金十兩放他出去

丑

不要放

他畱在軍中看些氣色最便淨報事報事宋朝

差文彥博來代明鎬行兵明日交戰了丑不怕

他不怕他諸將用心去與他交戰不要慌張了

衆得令得令丑

不怕文元帥丑精心出銳兵丑

血流東海赤丑刀削泰山平丑

第三十八齣列上

點絳唇誓復中原九重特遣持天鉞兵強謀決國

耻須臾雪下官文彥博是也粗有文才兼精武事

雖不及戰國廉頗頗稱當日唐朝裴度如今王

則作寇明鎬喪師只得自請于朝出師至貝蒙

多月神秘語得三遂可以平妖不料果遇三遂

大事可賀矣昨日已下戰書不免分付眾將一

回尅定今午交戰衆庶士惟妖網乾坤發殺机

想應天帝醉一任賊奴爲元帥有何號令外妖

法難防賊勢甚盛不可玩寇諸將務要運奇設

策頭一陣用諸葛遂入陣第二陣馬遂出戰第

三陣李遂出戰毋得紊亂衆得令

四邊靜。貔貅百萬肝。如鉄堂堂陣。排列妙算過穰
苴神机並諸葛。合天威赫烈。潢池震遏。一劔靖妖
氛。功成拜金闕。

前腔。千妖萬怪。那能滅。湏先搗巢穴。法按六韜書。

呪用九天訣。

合前外

妖兵來緊了。上前廝殺。

衆下

丑淨小旦上

水底魚兒。聖術玄靈騰空百萬兵。任他衆勇殺盡。

莫容情。

丑

你看宋兵行伍整肅。旗號精明。比前明。

鎬時大不同了。務要川心對敵。張鳶守城。皇后。

作况往前厮殺則个小旦宋兵來的緊好上前

厮殺並下

前腔

外末小生

戰鼓雷轟旌旗隊隊明心齊力併

攻破貝州城

丑淨左

任他衆勇殺盡莫容情

丑頭

一陣那宋兵彼俺殺過一半兵驕易敗汝等務要

用心對敵外心齊力併攻破貝州城妖法變詐實

是難破但見口中念念作聲喝聲道疾風迅雷

電雨即時交作如何設計抵得他過小生這個

不難只把猪狗之血望空潑去其法卽破矣交

戰潑血科丑淨

罷罷時乖靈法破兵敗將心隳

並下外

追上前去

小生

妖兵俱已進城去了他

若閉門不戰怎奈他何莫若掘地而入出其不

意庶可勦滅

外

此計甚妙併力爲之

下淨丑

攻

城無妙策掘地是良謀我每不是別的李遂部

下小校是也將軍着俺夜深掘地務要秘密莫

使賊人知覺

掘地科丑

好了好了地洞掘穿了

快趲進去

衆呐喊介

鏤鏤金

小旦

魂忽忽淚漣漣迻身無處所苦難言

淨

拿住了外帶那胡永兒過來王則那裏去了小

旦

王則被乱軍殺了乞饒奴家一命萬望恕罪代

代公侯篡逆非吾願乞行方便外你把生靈糜爛

罪滔天嚴刑怎生免丑又拿得一個和尚來了末

和尚喚名慧雲不曾從反小旦果然不從外你

實實的訴來

憶多嬌末衣與鉢窮過活托身蕭寺甘寂莫爲風

鑑逢妖難離脫外此情哀切非罪如何妄殺胡永

兒罪極情真梟首示衆慧雲情有可矜姑畱再

鞠

六師奏凱千邦靜
三遂平妖萬古傳

第三十九齣

小生 生 上

夜遊朝黼黻皇猷才力壯登鳳閣日觀清光

淨滿

月浮雲平衢湧浪可恨無端魔障

見科 淨

你兄弟

罪二人被李淑奏劾知也不知

生

這奸人把甚麼

事來劾我兄弟

淨

他本內說道宋乃我朝受命

之疏郊者交也合姓名而言之以爲不祥之兆

宋祁娶妓爲妾行不端謹皆宜罷黜以懲不軌

以警人臣 生小生 旨意如何說 淨 旨意道宋郊

之名必由父命况無他意便可改名祥以杜讒

口宋郊娶妓爲妾亦是細事姑免寃着各用心

供職 生小生 萬歲萬歲萬萬歲 淨 二位湏作急

上本謝恩 小生 這奸人千般謀孽難與同朝况

爹爹年老無人侍養哥哥我和你 不若上表辞

官歸家養親却不是好 生 說得有理我如今與

你上請乞恩

摧拍感天恩榮登廟廊一心望功銘旂常嘆世事

難量貝錦青蠅諛口交張腹劔心刀直性難防

合

明日共奏君王舜印綬返柴桑

前腔

小生

誰不願衣紫腰黃還須慮同袍中傷况

白髮高堂寂莫晨昏菽水誰將陟怙空思怎解愁

腸

合前

賺

淨

你兄弟呵德重珪璋黽勉從王分所當

生小

生

非不欲立功報主奈此奸人當道

淨

從人謗豈

應解組便還鄉細端詳青年未合投草莽聖主恩

深意怎忘

生小生

志孝不能兩全我兄弟二人斷

然要歸去了情非強此行定得親終養免懼諛網

免懼諛網 小生 哥哥你與子野兄先入朝去我畧

整行裝就同上表 生淨 急上辭官疏遙傳法禁

鐘 並下占小旦小生 奸人李淑劾我兄弟二人

我如今上表辭官收拾行李起程

前腔 占小旦 聽說心忙解翠收珠促去裝 小生 我

入朝去也晨鐘响急趨金闕上封章 下占 他兄弟

雖去上表未知吉凶何如事難量重瞳眷注那輕

放 占 濟世良才惜早藏 小生 封章已上想必就有

玉音到來占朝廷有何虧你處只管要回家去你

閑想玉堂金馬人欽仰此生不枉生相見科兄弟

諛口難諱歸心已決不必遲疑了小生未知聖

上旨意若何外奉聖旨宋郊宋祁朕方倚用不

准辭官既親老在堂着駙馬歸省以盡人子之

情限五個月以內復任管事望闕謝恩生小生

謝恩科天使大人請坐外別有公幹不及坐了

生永昌快去駙中催趲船夫就此起程未理會

得丑駙丞稟事船夫俱已齊備了小生挂冠辭

帝闕鳴珮上仙舟

並下生上

長拍露冷蘋江風銛鷁舫望楚天浩然長往亂飛
木葉一片片醉着青霜孤鶩逐雲翔更斷鴻嘹唳
處盡成惆悵回首楓宸空自恋何日鳴珂夜未央
只恐人哆侈萬千狀且自慶高堂春不老畫錦歸
雙

下小生且小旦

短拍渺渺銀帆滔滔玉浪暮秋天滿眼淒涼何處
是家鄉眴盡愁雲慘霧還隔斷萬峰千嶂日晚行
行且止聊繫纜古駟殘陽

尾聲麋林外楓江上數聲殘角送昏黃歸夢應隨
歸路長

一封朝奏九重天
夕泊歸舟古駟邊

浪盡月沉人睡熟
不須待漏五更寒

第四十齣

生上

風入松蕭條驛路客愁增更江天雪冷永昌我聞

知文老爹在此他得勝回朝禮當拜賀請小相公

出來商議

未

小相公有請

小生

哥哥喚兄弟來有

何話說

生

座主在此我和你該去拜賀

拜科

貂裘

虎帳寒威淨忝門下途逢有慶小生用甚麼禮生

取四疋綵段去無由獻區區下情將綵幣表微誠

哥哥座主爲何駐兵在此

前腔生聞知北伐武功成喜軍容肅整小生借問

何如霍去病生其功不小料此日重華欣慶寒雪

擁貔貅暫停湏奏凱返神京末此間是轅門了起

煩通報丑來者何官末宋狀元兄弟乃是老爺

門下通報介

念奴嬌外功高血戰喜捷書飛奏鼓笳声競從此

潢池無竊警力勝何如謀勝飲馬窟寒射鷗風勁

滕六施嚴令瑤花瓊樹幻成無限佳景木蘭花乾

坤凜冽滅寇營前飛瑞雪獨立凝眸可笑青山

對也白頭盃行到手只因爛醉梅花酒聖德無涯

向裘帽遙從鳳闕來相見介生小生老師文修武

蒲脩彈壓天下今喜妖氛尽掃勛望益隆賤兄弟

特來奉賀外妖寇已平朝廷之福也老夫焉敢

受賀生小生門下之情望勿堅却外左右收了

生老師成此大功國家之柱石也外寇賊百萬

一戰卽平中間有一僧情雖有可矜難遽釋放

生 旣在賊黨難從寬宥 外 那和尚訴稱善能風

鑑名喚慧雲 生 若是那相面的慧雲我就保他

外 想賢契與他有舊 生 門下與舍弟宋祁魯與

他相過相俺二人同中狀元今有此驗已是難

得况此僧極有戒行豈有爲寇之理 外 賢契你

不說我怎知我自有處 生 小生跪科 望老師饒

他性命 外 我有主張必然不妄殺他取慧雲過

來 外見科 果妙人也可敬可敬左右解了綁換

了衣服未宋相公你爲何在此外那和尚你不

知活命之恩乎辨你冤情皆二公之力也未恩

當重報外和尚說你相術甚高勞你相我一相

未老爺貴相燕頷龍睛踞虎形封侯拜相冠羣

公本生來自育神仙骨喜不老還同松柏春外

言之過矣喜二位賢契光顧又喜高僧相術甚

佳真所謂他鄉遇故知左右整酒來乘此大雪

之時同玩賞一回多少是好未和尚相術善誦風

本序

生

彤雲萬里見天花攪亂渾如柳絮飄零四

顧遙村盡處是玉樹瓊樓相映你看漫天大雪乃是國家豐年之兆也那更斷澗銀填長橋壁跨四時爭見此佳景合須脩取肥羔美醞同醉閑庭

前腔

末

千頃寒江正冷見漁翁獨釣玉笠銀蓑孤艇萬徑千山何處有飛鳥行人踪影還應山意衝

寒梅花將放謾勞逋叟動吟情

合前

前腔

小生

明瑩色奪瑤屏光搖銀海案頭何用讀

書燈風味美最是細擘龍團來烹偏稱翠閣嬋娟銷金帳裡淺斟低唱笑盈盈

合前

前腔

外

堪慶三白呈祥萬象稱瑞笑占南畝絕蝗

螟融液處疑是玉馬東瀛愁聽黃竹哀歌來息悲

咏陽春誰和郢中聲

合前

古輪臺

衆

玉龍爭殘鱗敗甲散滄溟青山老盡銀

尖竝園林絕勝看翠竹蒼松翻做三春梨杏鶴舞

鳶翔隨風未見飢鳥凍雀繞簷楹低飛不兢亂紛

紛斜撲窗楞乾桑蚕食平沙蟹走細聲堪聽六出

巧誰能銀河淨馮夷剪練技偏精

前腔閑評蕭蕭沙漠嘆蘇卿相室有萬乘來臨恩

光忒盛匹馬藍關撲足銀盃難騁也有策蹇騷人
灞橋獨詠也有朱門謁遍甌生冰遭時不幸山陰
孤棹興堪乘梁園遊賦何如僵臥茅叅寂靜夜半
破吳城鷲池溟更誇百戰不持兵

尾聲東風轉麗日升料此際寒容消盡只恐飛來
髮上生

沉醉金樽且放懷
雪飛江上臘梅開
紅爐煖閣還嫌冷
尚有樵人跣足來

第四十一齣
漁樵牧農同外上

漁樵答話科
好好好好扮一回漁樵答話且慢慢

的來呵漁上過橋搔背船非小樵上山裏斫柴

似剝頭你看農夫與牧童也來了農牧答話科

好好好好扮一回農夫與牧童答話且慢慢的說

來農上犁倒地皮方是好牧上倒騎牛背唱回

如歌衆唱歌哩噠哩囉噠哩囉漁自家喚作漁翁

一身美得精窮有人問我緣故只是飲酒三鍾

樵自家喚作樵人一身所得筋疼有人問我緣

故只是痛飲三農自家喚作農人栽秧打麥

辛勤有人問故緣故村中受樂無窮牧自家喫

作牧童短笛橫吹幾聲有人問我緣故倒騎牛

背長吟衆我每快樂似神仙今日談論許多好

處不免大家且唱一回消消悶懷何如

剗鋏兒

漁

滄江烟水憑誰占得魚便望岸頭帘沽

多面如茜笑掀短髯

合

閑中味甜世途忒險青笠

綠蓑紅塵不染

前腔

樵

丁丁翠袖松風撼一挑時度白雲巖爛柯

被仙賺頭顱雪添

合前

前腔

農

鹿門龐老吾何忝一犁耕破隴烟藍雞豚

早秋歛盆醪自酣

合前

前腔

牧

斜陽犢背鴉光閃隨群弄笛野橋南莎村

雨痕淡擁書角尖

合前衆

我每四人有如此之樂

請問老先生心事如何

新水令

外

春風寶馬醉長安喜歸來疎髯霜淺滄

洲三畝宅青野數坵田斷送流年有數點白鷗伴

衆

老先生正好做官如何就回來了有甚事幹

北慶宣和

外

薄命娥眉枉自妍嫉妬滔天惹苒將

軍豈非冤誰辨誰辨

衆

老先生在家有何事幹

北折桂令

外

學陶潛五柳栽烟屈子騷經杜老詩

編醉後閑臨書義獻帖兔管寫箋

衆

老先生怎麼

不講些道學也好哄動縉紳

外

那肯向譎儒講道

衆

煉些金丹也好

外

也休提敗事脩玄我只是玉管

冰絃雲髻花鈿兄弟樓中兒女燈前

衆

老先生也

愛我四人之樂麼

雁兒落愛殺他閑雲淡蓼渚寬愛殺他倦臥松雲

煖愛殺你犁雲拂草衣愛殺獬犢吹蘆管我樂不

此尔四人

得勝令春時節慢騰騰策杖綠楊川喜飄飄紅裙
海棠筵夏時節嫩盈盈玉液荷筒勸睡麴麴琅玕
小簾眠秋時節紫蟹鬪鱸鮮密層層種黃花三徑
遍冬時節含笑野梅邊碧澄澄鳳團茶埽雪煎

衆

老先生還想去做官麼

非鴛鴦煞

外

翠圍眠夢斷麒麟殿鶴汀遊影絕豺

狼苑狐媚途忙鼠奔空健說甚鷺翹雲盤驄蹄霜
踐鹿豕山幽畢竟鳳皇天遠鳧履脫鵝冠便鸚鵡

文章罷敷演衆老先生這般快活

北絡絲娘煞犯又何稱風流晉賢真不忝逍遙園

苑未錦衣婦故里端的是男兒二位相公榮歸將

到家了外我正與四人講得親切又不免相別

了

簫鼓喧聲震綵船
膝前雙鳳錦衣旋

漁樵畊牧相談笑
又得浮生半日閑

第四十二齣生上

破陣子芳樹光浮玉障晴雲影落金泓狀元門第

雄婦田晝錦庭幃瑞氣濃鼓簫喧綺鼓

河西七娘子

小生旦占

危舩歷盡江程永喜歸來

綉楹華棟彩映金鋪香霏瑤洞輝煌珠翠冠瞻聳

稱人心

外

山林疎聳丹心尙抱餘忠

旦紅翠

燈宵

焰鴛心暗融喜見盈衢騶從

合

歡深喜重爭歆羨

氏族輝光還感戴聖朝恩寵

相見介生小生

菩薩

蜚魁名幸顯趨庭教九天丹鳳乘新詔

外

兄弟

錦衣旋桑榆樂萬千

旦占

仙羣諧伉儷秀氣兼

和氣天道定無私祥鍾積善第

外

將酒過來

末

老爺酒在此了外

海山歌自古文章有用荷清朝不負英雄難兄難
弟共享祿千鍾乾坤瑞見雙雛鳳狀元迭中喜氣
滿胸佳兒美婦喜事又重合皇恩厚家慶隆人生
須是積陰功

前腔

小生且占

那日鷓鴣戲詠句猖狂誤入椒宮

誰知天幸威霽轉權棕洞房雙炬金蓮送仙娥賜
偶喜氣滿胸與奴樊素喜事又重合前

前腔玉笋金盃高捧勸酌間金紫光榮筵開羅綺

寶篆瑞烟濃當門棹楔山川重一門榮貴喜氣滿

胸錦衣婦晝喜事又重

合前

越恁好衆滿門懽縱滿門懽縱喜相逢疑是夢三

牲五鼎勤供奉綵衣翻動合重重喜慶人傳誦聲

華出衆國家添取雙梁棟多才多藝扶皇宋

前腔画堂晝永画堂晝永看輝煌珠翠擁歌聲滿

耳懽聲共管絃交美

合前

尾聲文編四喜成何用但梨園新添一種付與知

音一笑中

父能教子子揚名

兄弟情怡友難拯

道合君臣夫婦樂

綱常風月兩堪稱

四喜記下卷終

十

京師詩話文獻

